



西湖志餘第五卷

錢唐 田汝成 輯撰

古吳 姚 靖 增刪

賢達高風

張詠濮州鄆城人咸平二年以工部侍郎知杭州剛
方自任以嚴猛為治有民家子與姊婿訟家財婿
言婦翁臨終此子三歲故託命掌貲產且有遺書
令異日以十之三付子餘分與婿詠以酒酌地曰
而翁智人也以子幼故託汝儻以十之七與子則

子死汝手矣命以七分給子三分給壻皆服其斷
拜泣而去四年州民詣闕獻土星圖一銀百兩乞
畱知州詔仍還其銀而獎諭詠竟以代還

李及字知幾乾興元年以樞密直學士知杭州於時
內侍江德元居中用事其弟德明使過杭及待之
薄僚佐驚曰江使者兄弟榮枯大臣如反掌爾公
不加禮待雖不期福獨不畏爲禍乎及曰待之如
是足矣旣而德明謂僚佐曰李公春秋高何不求
閒郡自處乃居杭繁劇地僚佐走語之及笑曰及

老矣誠願得閒郡自逸旣而德明亦不能傷也時
人重其操守及資性清介治尚簡嚴喜慰薦下吏
而樂道人舍惡俗輕糜不事遊宴一日微雪遽出
郊衆謂命賓朋爲高會乃獨造林逋清談至暮而
歸任中未嘗市物滿去惟白樂天集一部爾

趙并字閱道衢州西安人熙寧三年以資政殿大學
士知杭州細民間并寬大多駢聚爲盜并捕獲其
情重者黥配他州法禁嚴肅盜遂遁去境內以清
嘗題郡中清風閣詩云庭有松蘿砌有苔退公聊

此遠塵埃潮音隱隱海門至泉勢潺潺石縫來夜
榻衾裯仙夢覺曉窗燈火佛書開休官不久輕舟
去喜過嚴陵舊釣臺蓋公琴鶴之操所在如一也
韓世忠字良臣延安人屢立戰功追封蘄王紹興中
秦檜當國世忠以和議不合懇疏解樞柄就第絕
口不言兵常頂一字巾跨小騾放浪西湖泉石間
自號清凉居士好事者遂繪爲韓王湖上騎驢圖
元吳萊題詩云秋風泗水沉周鼎淚濕吳人荆棘
冷黃河北岸旌節回信誓如城打不開沿邊撤備

無人守蟻蟲塵埃生甲冑散盡千兵只童騎餐來
斗米空壺酒西湖楊柳烟波寒照見從前刀劍癡
宮中孰與論頗牧塞上寧知無范韓事去英雄甘
老死此手猶能與公起勸人莫問故將軍自是清
涼一居士

韓王就第後一日至香林園蘇仲虎尙書方宴客王
徑造之賓主歡甚盡醉而歸明日王餉以羊羔且
手書二詞以遺之臨江仙云冬日青山瀟灑靜春
來山暖花濃少年衰老與花同世間名利客富貴

與貧窮榮華不是長生藥清閒不是死門風勸君
識取主人公單方只一味盡在不言中南鄉子云
人有幾多般富貴榮華總是閒自古英雄多是夢
爲官寶玉妻兒宿業纏年事已衰殘鬚鬢蒼蒼骨
髓乾不道山林多好處貪歡只恐癡迷悞了賢王
生長兵間未嘗知書晚歲忽若有悟能作字及小
詞皆有見趣信乎非常之才也

岳武穆生時有大禽若鵠飛鳴室上因以爲名未彌
月河決內黃水暴至母姚抱飛坐甕中衝濤及岸
得免人異之少負氣節沈厚寡言家貧力學志好
左氏春秋孫吳兵法生有神力未冠挽弓三百斤
弩八石學射於周同盡其術能左右射同死朔望
設祭於其家父義之曰汝爲時用其狗國死義乎
飛至孝及爲大將毋畱河北遣人求訪迎歸母有
痼疾藥餌必親毋卒水漿不入口者三日家無姬
侍吳玠素服飛願與交驩飾名姝遺之飛曰主上
宵旰豈大將安樂時耶却不受玠益敬服少豪飲
高宗戒之曰卿異時到河朔乃可飲遂絕不飲帝

初爲飛營第飛辭曰敵未滅何以家爲或問天下何時太平飛曰文臣不愛錢武臣不惜死天下平矣師每休舍課將士注坡跳壕皆重鎧習之中子雲嘗習注坡馬躓怒而鞭之卒有取民麻一縷以束芻者立斬以狗卒夜宿民開門願納無敢入者軍號凍死不折屋饑死不擄掠卒有疾躬爲調藥諸將遠戍遣妻問勞其家死事者哭之而育其孤或以子婚其女凡有頒犒均給軍吏秋毫不私善以少擊衆欲有所舉盡召諸統制與謀謀定而後

戰故有勝無敗猝遇敵不動故敵爲之語曰撼山易撼岳家軍難張浚嘗問用兵之術曰仁智信勇嚴關一不可調軍食必蹙額曰東南民力竭矣紹興和議初成金以河南歸我判宗正事士儂銜金道荆襄過南鄧飛止之曰金虜無信君宜少駐士儂以上命有程辭去不數舍烟塵四起軍聲囂然失色南奔忽遇大軍望之岳幟也遂馳就之飛咲曰固謂君勿行正恐此爾然已遣董御帶牛觀察在前與之交鋒矣兵勝敗無常君王人且近屬吾

當以親兵衛送君行數里兩將捷書至蓋士儂未
行前一日出師也其後飛得罪下獄士儂極辨其
無辜且以百口保之非惟感恩蓋親見其用兵神
速故爾朝臣併論士儂身爲宗室不應交結將帥
因指爲黨遂罷宗司與祠云
岳墳詩集無慮于首絕倡者亦少擇其佳者已收前
志矣趙子昂有英雄已死嗟何及天下中分遂不
支支韻難和近閱壁間有和山前有客祠彭越塞
上無人斬郅支亦頗奇穩

樊執敬字時中鄆州人至正十年除浙江行省叅知
政事十二年徽饒寇自昱嶺犯杭執敬上馬中途
與賊遇射死賊四人又逐之射死三人賊來愈盛
填咽街巷且縱火官兵皆潰賊呼執敬使降執敬
叱之曰守關吏不謹汝得至此恨不碎汝萬段何
謂降耶奮力斫賊中鎗而死事聞贈翰林學士承
旨榮祿大夫柱國封魯國公

劉基字伯溫括蒼人元時爲浙江行省都事時方谷
珍亂海上省議主招撫伯溫主攻討谷珍行賂於

朝卒從省議逮伯溫於法僑寓杭城時蓋至正癸巳歲也又嘗與客飲西湖會有異雲起西北光映湖中魯道原宇文公諒以爲慶雲也將分韻賦詩伯溫候望良久曰此天子氣也淮楚之分十年後有真主出我當輔之時杭城猶全盛座客大駭以爲狂且曰是累我族滅悉逃去公獨呼其門人沈與京置酒亭上放歌狂醉而罷

周新永樂中浙江按察使多異政一日有訴爭而傘者甲曰我傘也乙曰我傘也所驗皆同新命剖之各持其半去陰遣人尾其後甲云我始欲助汝傘價之半得非汝利耶乙曰傘本我物寧能低價屬汝於是甲就縛正其罪其發奸摘伏類如此

王良字文信河南開封人洪武末浙江按察使廉潔明峻嘗以忠義自許革除間良知天下將有變預蓄草柴堆積室內靖難師起良語其妻曰吾平生以忠義許國今事至矣汝意何如妻慨然曰惟此數歲兒祀不可絕婢某聰慧至誠必能撫養某僉事夫人與我最厚當盡我簪珥與此婢投匿僉事

衙若得撫養庶不絕嗣良然之遣婢去乃闔門索
火未至而妻已投池中死矣良具衣冠舉火端坐
而歿正德間按察使梁材立祠於本司之東私謚
曰忠節云

許亨永樂間以都督僉事鎮守浙江二十餘年有惠
政廉簡忠勤諸司畏服其卒也哭聲振城市雖婦
女亦有奔送其喪者山陰秦瑛挽之詩云太平無
事展珠鈴庭樹沉沉晝掩簾門外日高閒劍戟海
濱風靜集魚鹽累朝功業金甌重一寸忠勤雪鬢

添忽報前營將星墜哭聲終夜起問闈

徐一夔字大章天台人洪武六年以儒士薦授杭州
府學教授博雅通經教法嚴整爲文有法度士林
服之召入纂修元史賜蟒衣復任尋爲省臣撰上
賀表其詞有云光天之下又云天生聖人爲世作
則太祖覽之大怒曰腐儒乃如是侮我耶蓋以生
者僧也光則祝髮之謂則字近賊罪坐不敬禮臣
大懼因請曰愚蒙不知忌諱乞降表式太祖因自
爲文傳布天下一夔在任凡九年所著有始豐稿

湖上勒石之文多其手筆

軒輓河南鹿邑人正統間浙江按察使清嚴整暇公庭肅然廨無僕妾妻執井爨嘗行下郡所至山岳皆搖貪吏望風潛遁着一青袍無間寒暑破則補綴所食不過蔬食或日啖燒餅一枚而已與僚屬約三日各出俸米市肉一斤家口衆者甚不能堪故舊會晤止供一飯或烹一雞則人駭之以爲不易得也自聞親喪卽日就道僚屬有未知者後陞都御史總理糧儲清聲愈勵僚友設宴或有看卓卽拒不受第以廉自矜或乘酒詈人士林以此少之

陳復福建懷安縣人正統四年爲杭州知府公正廉明濟以簡靜尋以憂去民保留之起復再任竟卒於官貧無以爲歛按察使鹿邑軒輓倡賻之民爭來助其子盡却之曰不忍贖貨以死其親也時布政使則德興孫原貞仁和知縣鳳翔許璞而軒輓爲監司之長皆一時之選璞不久亦卒於官

楊繼宗山西人成化九年爲嘉興知府廉聲播遠近

十六年陞浙江按察使民間之皆翹首以須其來
繼宗至不携家眷止帶老僕一人執爨清直之聲
震動兩浙鎮守太監張慶權勢烜赫門下多倚勢
生事自繼宗蒞任各斂手杜門不敢輕出貪猾官
吏多望風引去然繼宗雖嫉邪而愛惜人才故人
無智愚咸仰其公正未幾聞親喪方坐廳理事計
文忽至卽大哭解印步出驛亭老僕挑兩箬籠登
舟杭民老稚號泣挽留不及皇皇如失父母旣去
十餘日民相驚言公得奪情復任懼呼載道迎候
者填溢城門月餘方已

韓邦奇字汝節朝邑人正德末爲浙江按察僉事廉
勁自持時鎮守太監王堂怙勢害人如茶筍鱗魚
種種勒辦民不聊生汝節數裁抑堂遂以沮遏進
貢誣之詔錦衣械治百姓感泣哀動城市汝節爲
詩云非才尸位聖恩深士庶何勞淚滿襟明土昌
言神禹度斯民直道葛天心還看匣有平津劍更
喜囊無暮夜金惆悵此時不忍去且維輕舸越江
濤

韓洪字子文... 卷之六

西湖志餘第六卷

錢塘田汝成輯撰

古吳姚靖增刪

賢達高風二

許由穎川陽城人當唐虞時隱武林山稽雷峯者即

其遺蹟也太平寰宇記許由葛洪皆隱此忘返故

號稽雷

范平字子安錢唐人研窮典墳遍該百氏舉茂才累

遷臨海太守有異政孫皓時謝病還家卒諡謚文

正

褚陶錢唐人少不好弄聰慧清閒淡默以墳典自娛
年十三作鷗鳥水磴二賦見者奇之張華謂陸機
曰君兄弟龍躍雲津顧彥先鳳鳴朝陽謂東南之
寶已盡不意復見褚生仕晉官至中尉

褚伯玉字元璩錢唐人少有隱操寡嗜慾往剡居瀑
布山三十餘年隔絕交往齊時王僧達爲吳郡苦
禮致之伯玉不得已停郡信宿而退寧朔將軍丘
珍孫欲屈見之竟莫能致齊高帝手詔吳會二郡

以禮迎遣辭疾上不欲違其志勅於剡白石山立
太平館居之

杜京產字景齊錢唐人少恬靜絕意榮宦會稽孔覲
清剛有峻節一見欵交郡名主簿州辟從事稱疾
去除朝請不就與同郡顧歡交東山開舍授學孔
稚珪表薦京產曰竊見吳郡杜京產潔淨謙虛通
和敏達博通子史沈吟道奧家業窮巖採芝幽澗
麻衣藿食者二十餘載雖古志士何以加之謂宜
釋巾幽谷結組登朝則巖谷含歡薜蘿起忤不報

後以員外散騎侍郎召京產曰莊生持釣豈爲白
壁所回辭疾不就

范述曾字子元錢唐人初從餘杭呂道惠受五經道
惠曰此子必爲王者師齊高帝引述曾爲文惠太
子竟陵文宣王師友謇諤多諫諍號爲周舍沈約
亦以述曾方汲黯爲永嘉太守有惠政去任之日
郡送故舊錢二十餘萬一無所受所得俸祿皆以
分施及老壁立無資

范元琰字伯珪錢唐人祖悅之太學博士名不至父
靈瑜居父憂以毀卒元琰時童孺哀慕盡禮及長
好學博通經史然謙敬不以所長驕人祖母患癰
常自含吮與人言常恐傷物居家不出城市雖獨
居如對嚴賓見者莫不改容正色家貧惟以園蔬
爲業嘗出行見人盜其菘元琰遽退母問盜者爲
誰荅曰向所以退畏其愧恥今言其名願不泄也
於是母子祕之或有涉溝盜其筍者元琰因伐木
爲橋以度之自是盜者大慚一鄉無復草竊

褚亮錢唐人少警敏博記經史陳後主召見賦詩江

總諸人皆服其工入唐爲弘文館學士官至散騎
常侍日見親倚封陽翟縣侯老於家太宗征遼子
遂良從詔亮曰疇日師旅卿未嘗不在中今朕薄
伐卿已老俛仰歲月我勞如何以遂良行想君不
惜一子於朕爾善居加食亮頓首謝卒贈太常卿
陪葬昭陵初太宗作文學館以亮與杜如晦等十
八人並爲學士命闢立本圖像亮贊之號十八學
士天下慕向謂之登瀛洲

褚遂良字登善亮子也博涉文史工隸楷正觀中累
遷起居郎侍書太宗嘗歎曰虞世南死無與論書
者及見遂良大奇之帝方購羲獻故帖莫辨真僞
遂良獨論所出無舛同者帝將有事泰山星孛遂
良諫曰此必天意有未合者帝悟而止遷起居注
帝欲觀史遂良諫言未聞天子自觀帝曰朕有不
善卿必記否對曰臣職載筆君舉必書時太子承
乾廢魏王泰間侍帝許立爲嗣因謂大臣曰泰昨
自投我懷中云臣今日始得爲陛下子更生之日
也臣惟有一子百年後當殺之傳國晉王朕甚憐

之遂良曰陛下失言安有爲天下主而殺其愛子
授國晉王乎陛下昔以承乾爲嗣復寵愛秦嬪庶
不明紛紛至今若必立秦非別置晉王不可帝泣
曰我不能卽詔長孫無忌房玄齡李勣與遂良等
定策立晉王爲皇太子時飛雉數集宮中帝問是
何祥也遂良曰昔秦文公時有侏子化爲雉雌鳴
陳倉雄鳴南陽侏子曰得雄者王得雌者霸文公
得雌而霸始爲寶鷄祠漢光武得其雄起南陽有
四海陛下本封秦故雄雌並見以告明德帝悅曰

人之立身不可以無學遂良所謂多識君子哉拜
中書令帝寢疾召遂良長孫無忌曰漢武帝寄霍
光劉備託諸葛亮朕今委卿矣太子仁孝其盡誠
輔之謂太子曰無忌遂良在而毋憂因命遂良草
詔高宗卽位封河南縣公進郡公帝將立武昭儀
召長孫無忌李勣于志寧及遂良入或謂無忌當
先諫遂良曰太尉國元舅有不如意使上有棄親
之譏又謂勣上所重當進曰不可司空國元勳有
不如意使上有斥功臣之嫌曰吾奉遺詔若不盡

愚無以下見先帝既入帝曰罪莫大於絕嗣皇后
無子今欲立昭儀謂何遂良曰皇后本名家奉事
先帝先帝疾執陛下手語臣曰我兒與婦今付卿
且德音在陛下耳何遽忘之皇后無他過不可廢
帝不悅翌日復言對曰陛下必欲改立后者請更
擇貴姓昭儀昔事先帝身接帷第今立之奈天下
耳目何帝羞默遂良因致笏殿階叩頭流血曰還
陛下此笏丐歸田里帝大怒命引出武氏從幄後
呼曰何不撲殺此獠無忌曰遂良受顧命有罪不

加刑會李勣議異武氏立乃左遷遂良潭州都督
顯慶二年徙桂州未幾貶愛州刺史卒

徐復字希顏本莆田人久客吳中因家杭州精易通
流衍卦氣之法天文地理遁甲古射諸家之說律
呂微妙之制康定中元昊叛詔求有文武材可用
者宋綬林瑀以復薦召見問以天時人事復舉京
房易卦推所配年月日謂時當小過剛失位而不
中宜在強君德問四方用兵如何復對太一守中
官兵宜內不宜外帝善其言欲官之固辭雷值登

聞鼓院與林瑀同修周易會元紀歲餘歸禮以束
帛賜號冲晦處士

林君復錢唐人少刻志學問放浪江淮後歸隱西湖
之孤山杭守王隨每與倡和李及薛映時往清談
蓄二鶴曉縱之雲霄暮自入樊時泛小舟遊西湖
諸僧寺客至童子放鶴爲候逋棹舟歸卒塋舍傍
初逋客臨江李諮始舉進士而未有知者逋嘗謂
人曰此公輔之噐逋卒而諮適知杭州爲製總麻
服與其門人哭而塋之刻其臨終詩納之壙中

葉曙字杲卿錢唐人生而穎拔三試開府率高等授
桂州司法卒贈太子中允天禧末錢唐有巨石浮
於江太守問逋逋以問杲卿乃按樵子五行志以
應曰其當在萬乘乎未幾真宗上僊於是人服杲
卿多聞而始知樵子爲奇書也

胡長孺字汲仲婺州永康人少博經史下逮百氏宋
咸淳中監重慶府酒稅至元初以知者薦入翰林
修撰出爲揚州教授遷建康錄事台州寧海簿所
至輒有異政以疾辭歸寓武林城中一日趙子昂

嘗爲羅司徒奉鈔百錠爲潤筆請作乃父墓銘汲
仲不許是日汲仲絕糧其子以情白坐上諸客咸
勸受之汲仲卻愈堅惟平生不苟取於人故寧凍
餒有所不顧汲仲送蔡如愚歸東陽詩有云薄糜
不繼襖不煖謳吟猶是鐘球鳴語之曰此余祕密
藏中休糧方也年七十五一夕正衣冠危坐而逝
所著有石塘稿五十卷洪武初祀於杭學鄉賢祠
謝翱字皋羽福之長溪人徙浦城侗儻有大節刻厲
憤激不混流俗意所不顧雖萬夫莫回每慕屈平

托興遠遊因號晞髮子宋人文天祥被執翱悲不
能禁嚴有子陵臺孤絕千尺時天涼風急挾酒登
之設天祥主跪酌號慟取竹如意擊石作楚歌招
之歌闕竹石俱碎其志益汗漫浩不可禦視世間
無足當其意者獨好佳山水遇卽恣遊倦輒訪隱
流方鳳吳思齊輩歌吟取適至元甲午來家西湖
上前代遺老咸詫見翱晚也明年乙未沒年四十
七臨沒囑其家曰慎收吾骨與韶卿子善已而鳳
與思齊果至與方幼學塋之子陵臺南初翱以朋

友道喪作許劔錄未就鳳等復爲作許劔亭於墓
右其徒吳貴祠翺月泉書院

吾衍字子行仁和人操行高潔博覽墳典工篆隸諳
音律不求榮進隱居教授居一樓坐學童樓下遣
高弟子遞授之客至童子輒止其登使登乃登與
客笑談樓上而樓下羣童肅如也元時廉訪使徐
琰聞衍名訪之衍從樓上呼曰此樓何敢當貴人
登也願明日走謁謝琰笑而去明日竟不謝人咸
重之稱爲貞白先生而不名年四十未娶宛丘趙

天錫爲買酒家孤女爲妾年饑女嘗事人後夫知
在子行所訟之因逮妾父母至客子行家又
以僞楮事覺因言舍主人子行固弗知也邏卒猝
子行南出數百步錄事張景亮識之叱邏卒曰是
不知情攝之何爲卽解縱遣還子行大慚翌日詩
玄縑緇笠請仇仁近別值晨出因留一詩有西冷
橋外斷橋邊之句意將從靈均於此矣明日有得
遺稿於橋上者衛大隱以六壬筮之爲亥子丑順
流之象曰是其骨朽淵泥九十日矣西湖多寶院

僧可權從子行學哭之甚哀葬其遺文於后山與
其師骨塔相對曰皆吾師也乞銘於胡汲仲爲之
銘曰生弗賣死弗辱貞哉白凌雲翰悼之詩云布
衣吾道士舉世莫能偕遠作騎鯨客空遺夢蝶齋
陽冰書瘦硬方朔語詼諧墓碣石貞白臨文每愴
懷

陳信字履信仁和人以推擇爲吏卽知守廉一錢不
取衣食一仰於家宣德間有詔求賢總兵官陽武
侯薛祿薦擢大理評事改南京西城兵馬副指揮

以廉能陞蘇州府通判蘇治煩劇俗舊華靡信裁
剗無畱事而持以確守民甚愛之尋乞致仕歸經
治所餞贖俱不受行李蕭然道路稱歎蘇人杜瓊
贈以詩云南還依舊一寒壇又却吳民餽贖錢任
使此生貧到骨只畱清節與人傳

于謙字廷益錢唐人宣德元年授監察御史長軀玉
立聲如洪鐘每奏對上爲傾聽都御史顧佐最嚴
峻臺中少當意者獨體重謙巡按江西風裁赫著
還從上討獲漢庶人命譴立數其罪應旨而成辭

嚴義正聽者改容自是上屬意用諫矣五年河南山西大災廷議大臣經理上親署諫名陞行在兵部右侍郎往時年三十三而興利除害動中土俗二省之民歡若更生然諫才大機踈遇事又敢往少瞻顧人故以此忌之九載秩滿始進左侍郎先是河南官吏入朝率細載香帕磨菇以供交際諫行一無所持作詩云手帕磨菇與線香不資民用反爲歎清風兩袖朝天去免得閭閻話短長其律已如此正統間與戶部王尙書議事有隙遂舉叅

政孫原貞王來自代時太監王振倖用事嘗以他事銜諫迺噉言者劾諫擅舉自代非詔旨降大理寺左少卿罷巡撫河南山西吏民間之赴闕請畱者千人乃命以少卿巡撫前後在任者十八年父彥昭卒乞終制不許尋復召爲兵部右侍郎十四年七月虜酋也先寇獨石王振請上親征敗績於土木車駕北狩沿邊城堡奔潰一空京師大震時諫獨任部事會皇太后命郕王監國於是廷臣論王振罪請族夷之王方攝朝倉卒未有處分而錦

衣衛指揮馬順素附振勸廷臣稍退廷臣大憤給事中王竑捽順首與廷臣撲殺之復索振所親信王毛二內使哭聲震闕無復朝儀諸大臣有驚避者王亦疑懼欲起還宮譏上陛扶止之且曰廷臣無譁勸王出二內使廷斃之復言羣情洶洶皆忠憤所激非殿下宣諭不止王乃諭廷臣曰王振罪當赤族俟啟太后行誅未晚馬順罪當死殺之勿論於是廷中稍寧比退朝過午刻矣譏袍袂皆裂徐步出左掖門尚書王直執譏手歎曰今日事起

倉卒賴公以定雖百王直將焉用之太后知譏人望所屬陞兵部尚書頃之郕王卽位尊上爲太上皇帝時邊報絡繹訛言萬端諸司束手取進止譏隨事條刺慮遠防微動中肯綮自是武備漸飭人心稍安是年十月也先闌入紫荆關烽燧甚急侍講徐有貞謬言占象倡議南遷上下動搖朝臣有挈家南奔者譏慟哭抗言於廷曰京師天下根本宗廟山陵百官萬姓咸託於此去此不守將安所之宋南渡之事可鑒也上是譏言守議遂定時京

通倉塲糧草甚富譖令官軍預支三月餘命縱火
焚之或言事重何不待報譖曰事有經權今虜在
目前若必待報而行適以資虜矣武清伯石亨時
掌後府言欲閉九門以避賊鋒譖曰不可如亨言
譬之室鼠是自斃也乃令亨營於城北都督孫鏜
營於城西譖親督諸軍而都督王通都御史楊善
等閉門城守以示必死頃之也先突至我軍堅不
爲動時上皇亦在虜營我軍不敢漫加一矢虜亦
覘我嚴整不敢輕軼中宮喜寧胡種也土木之難

降於也先因爲鄉導疾也先邀大臣議和迎駕且
索金帛鉅萬計譖一無所許第報曰賴宗廟社稷
之靈國有君矣也先計沮須臾以墨幟麾三千騎
繞東城云攻南門亨欲撤兵往備譖曰無庸此必
趨通州也已而果趨通州索糧無得遂縱遊騎四
掠畿甸畿甸咸清野乘城守約無敢浪戰者虜計
益沮對壘七日復以上皇宵遯遲明譖謀知上皇
已遠乃令諸軍舉砲擊虜殿營虜亦旋以輕騎躡
我死傷畧當京師解嚴論功加譖少保石亨進侯

爵餘陞賞有差譏固辭乃受嘗謂人曰四郊多壘
卿大夫之辱也城下之役但不盟爾何功之有景
泰元年也先數以送駕爲名沿邊騷掠旣知中國
有備難與爭衡雖奉畱上皇又不足以邀厚賂且
與其君會花有隙恐中國乘之乃遣使入貢言願
送大駕還京尙書王直卽率羣臣爲上驟言之上
頗不悅曰當時大位是卿等強朕爲之今將置朕
何地譏對曰大位已定誰敢異心但欲遣使答禮
少紓邊患爾上意始釋曰從汝從汝於是禮部尙

書胡濙言廷臣大駕將來請會議迎復儀注都御
史王文厲聲曰來誰謂來耶黠虜不索土地卽索
金帛爾誰謂來耶譏曰不然防變方畧譏當任之
來與不來於儀注固無妨也衆論乃息上乃遣禮
部侍郎李實往見也先也先大喜遂奉上皇至宣
一府而還九月十五日上皇入京師時邊事稍寧譏
益修安內攘外之計初也先犯京時石亨以功非
已出驟躋侯爵心不自安乃推譏功請官一子上
許之以其子冕爲府軍前衛副千戶譏累疏懇辭

且曰臣縱爲子乞官自當乞恩於君父何必假手於石亨亨深銜之亨嘗以指揮郭亨杜山賣放民兵受賄不舉爲譴查白劾曰亨蔽下售法罔上孤恩無人臣禮上乃切責亨而郭亨等皆下獄亨愈益媿恚學士徐有貞自以倡議南遷爲譴斥阻等復求爲祭酒上薄其人不可疑爲譴所毀亦深銜之遂與亨等比周側目事譴譴自知柄用日久恐履危機累乞骸骨不許而廷臣忌功者亦間爲上言宜少裁抑譴上灼知譴忠潔無他腸倚毗益切

太監興安亦謂廷臣曰近日諸君第媒孽于公何不爲朝廷惜也且諸君中有不愛錢不愛官不問家計一心體國如于公者誰歟言者愧塞上嘗賜譴第一區譴固辭曰值國多事之秋豈臣子安居之日况星文示變正宜貶損以追天怒豈可厚享以重咎愆不許乃以平日所得賜物盛甲袍帶之屬封識第中時一往視而已譴素苦疾喘一日大作上遣太監興安以醫來醫云竹瀝可愈安爲上言且述譴自奉儉約上親幸萬歲山伐竹以賜仍

命計譏家所用悉給自尙方云七年正月上不豫
譏與廷臣請復憲皇帝東宮疏入不報約翌日面
陳泣請時廷議刺刺各抱擇君之奸而太學士王
文及太監王誠等謀立襄王之子機事頗泄有貞
遂駕言於亨曰文誠之謀咸少保主之其事若成
吾屬無死所矣亨遂與有貞定議通太監曹吉祥
都督張輓張軌夜奔南內奉迎上皇復位改元天
順卽日械譏等下獄給事中王鎮等承亨風旨爲
之延劾言臣等與譏誓不同朝左都御史蕭維植

等爲之廷鞫大肆拷掠竟無左證徐有貞曰春秋
之法將則必誅何必左證也維禎遂欣然署奏曰
譏等意欲迎立外藩以危宗社謀雖未成罪亦當
死王文發忿力辨譏曰亨等意已如此辯之何益
遂誣服奏上上持之有貞進曰若不置譏等於死
則今日之事爲無名上意乃決譏等俱就刑東市
譏笑曰景泰時天下八十萬精兵皆吾調發不於
此時反乃今一廴秀才反耶是日陰霾四塞朝野
寃之爲之語曰鸞鷲水上走何處尋魚鱗吉祥麾

下達官朶耳者枕譏尸而哭之酌以壺漿吉祥撻之明日復往哭如初遂與都督陳達收其尸瘞之亭爲土言籍沒譏家自上賜物外無他儲妻子安置口外未幾兵部尙書陳汝言以賂敗上御便殿以所籍財物陳大內廡下召亨等入視變色曰景泰間于譏任久且專歿無餘物何汝言未幾得賄無筭耶亨俛首久之越數日上擊毬內苑恭順侯吳瑾撫寧伯朱永等待石亨張輓張軌自外來上遙見亨等連以毬杖戳地曰好個于譏如此者數

聲亨等皆流汗浹背朱永出語人曰觀今日上意石總兵輩將無所逃矣一日邊報甚急集羣臣廷議未定吳瑾進曰于譏若在邊患何憂上爲之默然初譏遇害太后驚悼謂上曰于譏於國甚有功何忍至此上益悟其寃二年徐有貞以罪遠竄三年石亨曹吉祥等謀反伏誅八年憲皇帝卽位詔釋譏家屬戍邊者家產悉還之遣行人馬暉諭祭贈特進光祿大夫柱國太傅諡肅愍立祠墓所曰旌功有司春秋致祭譏子冕仕至應天府尹子孫

世襲副千戶

胡世寧舉弘治壬子鄉試第二巡按御史檄計偕銀百兩世寧曰彭侍郎以災傷故減半吾不敢盈取竟却其半舉進士授德安府推官廉明有聞一日患劇疾召醫視之曰還有神光世寧力疾賦詩有萬苑神光還自在再生事業敢能爲之句陞南京刑部郎中廣西太平知府以憂歸服闋赴選至滄州值流賊入城避之問門者曰州有糧乎曰有有水乎曰有有薪乎曰苦無薪世寧曰此屋皆薪也

卽見知州張琦勸其急修城守琦曰馬總制惡修城世寧曰總制失職爾縱賊入城則殃民誤國琦從之次日賊至攻西門世寧令軍民商旅登陴拒守賊見氣阻乃退改除寶慶府陞江南副史值王浩八凌十一等爲亂王師久駐無功世寧與叅將桂勇書曰江西之賊無處無之僕以爲旣招者不殺再叛者不招而稍有犯法者令其黨執之重懲不恕不過數月而事定矣其如上下異議招之旣定則又欲誣罪以殺之殺之不得則又欲曲法以

招之禍患何時已也蓋軍務賊情人本難測故千里之間傳聞各異一日之內機變頓殊故料賊情者多以爲少少以爲多司軍務者功以爲罪罪以爲功聽人言者真以爲僞僞以爲真潛潛焚焚莫之能辨士夫稍懷廉恥者則又以矜已抑人爲愧而終身受罪莫之能辨其亦可慨也已時寧庶人反形已著人莫敢言世寧憤激上疏言南昌府城延燒萬室基地所便悉歸王府債負所責遍及閩閩三司官多受鈐束問刑吏舉奉成案近者買辦

行於外府騷擾徧於窮鄉臣下恐有隱禍多懷二心禮樂政令漸不出自朝廷地方之事益有可慮者寧王自因劉瑾得衛兵以來威勢日盛而上下官司奉承太過乞推才望服人公忠體國大臣兼提督巡撫假以重權得便宜行事久困窮民宜妙選循良曲加安集更乞戒諭寧王益崇謙德遠避嫌疑幸由祖訓止治其國內官僚而三司以下政務不須干預嚴戢下人格守禁例申勅鎮巡以下凡遇王府委事必須奏准方行庶幾小民有再生

之望庶人聞之大怒行賂於朝而誣奏妄言離間
乞差官勘究上令巡按御史逮世寧來京鞫之初
世寧既上疏得報擢福建按察使乃去任抵家庶
人使健卒百數人分道篡世寧不得乃奏聞風遁
回激上怒命官校逮世寧庶人既得旨益令健卒
至浙必繫世寧江西困辱以俟官校世寧曰吾至
江西死且不自乃間道歸命京師下詔獄囚繫一
年廷臣申救謫戍遼東寧庶人敗起爲四川巡撫
遷兵部左侍郎尋陞左都御史改兵部尙書世寧

上疏曰六卿之職吏部爲重戶部爲難而兵部則
兼重且難其用人峙糧又資三部今天下生民困
苦盜賊繁興邊境空虛夷狄難禦在江北則米價
極貴軍士饑疲戎虜雜進奸謀叵測內變方憂議
者乃欲出境千里圖復哈密此甘肅之危日甚孰
敢爲陛下言者在西南則松潘南路久絕東路僅
通每歲糧運石費數金戍卒生還十唯三四今聞
歲歉粒米難致此蜀川之危日甚孰敢爲陛下言
者其尤可慮者萬一中原西蜀民窮盜起撫剿乏

人糗糧無備所係安危甚大此聖祖垂訓切以爲憂輔臣楊一清奏欲臣等各舉濟險應變之才折衝禦侮之畧者以需緩急迄無一薦者蓋此匪徒取其才力勝任而又必其忠誠爲國卽有其人又恐羣臣興讒大臣信謗此所以再生顧忌莫敢明揚其他土夷之變邊境之虛驕卒之悍皆巡撫不得久任專制故皆推托不理雖有一二任事者奏上該曹亦不與議決故今內外大小臣皆以持循保守爲賢而坐視養亂有一患力幹濟者身家不免矣此皆盡驅天下之人闔然無忠義之氣一朝有事非細故也今以自來兵部尙書言之則臣鄉里所聞曰方賓曰于讓耳目所及曰劉大夏曰彭澤忠誠爲國者僅此而皆不得保全其得保全者皆依阿蒙蔽坐視養亂者也臣性愚昧偏滯不能遷改隨時故嘗自誓以爲可殺而不可使滅有功可殺而不可使縱有罪至於依阿誤國而蒙蔽欺君之事不能爲此臣才性不堪如此不敢貪位以誤陛下也再辭不允乃就職未幾引疾歸卒於家

西漢志餘 卷之六 二十一

贈少保謚端敏

丁蘭故居在艮山門外三十六里地名丁橋事母至
孝母死刻木爲像事之如生至今桐扣山之東有
丁母塚在焉

明孫宗黻事母節婦楊孺人以孝聞世居鞞鼓橋嘉
靖間詔旌其里曰仁孝

明郭孝童墓在西湖之濱童家被火時方幼齡從烈
焰奔出回顧失母復入火尋母不可出童與母相
偎而斃里人上其事司院立祠焉

漢曹娥上虞人父盱爲巫祝泝濤迎神溺死娥年十
四求父屍不獲沿江號泣七日投江死越五日娥
屍抱父屍出里人遂葬其屍立廟祀焉名其江曰
曹娥江

晉浣紗女永嘉人居蜃川莫知姓名家貧踰笄不嫁
浣紗成布供母母死抱石沉水
晉孫氏富春人適虞忠忠亾誓不改節訓子潭以忠
義潭守南康杜崱傾貲餽戰士及征蘇峻盡發家
僮隨戰資所環佩爲軍資咸和末卒年九十五

晉虞氏富春人歸孫晷晷至孝氏操井曰克相其德
人比梁孟云
唐何氏於潛人莫氏婦夫死養姑至孝黃巢嘯聚隣
里皆走氏以姑病不去賊至抱姑泣曰姑老且病
願代死賊掠將汚之氏請沐櫛更衣乘伺者懈解
縲自縊

宋盛氏昌化人章瓊妻姑性急氏伺顏色終日無惰
容姑病割脇取肝爲膳進姑病得愈政和六年旌

表

宋譙氏開封人夫楊奉直從駕南渡奉直捍虜於外
氏偕子由義避走鹽官虜踵至氏泣謂子曰汝父
必死國難我當死婦節遂沉於河

宋銀瓶女武穆季女也聞王下獄哀憤欲叩闕不能
抱銀瓶投井死

元王貞婦臨海人元兵入寇夫與舅俱遇害主將見
婦美欲納之請終喪還至青嵐嶺嚙指題詩投崖

死

元姚氏餘杭人山谷間日午執爨毋何氏汲於澗久

不歸氏出視見虎銜其母氏叫號逐之隣人從焉
虎置而去負歸醫愈奉養二十餘年卒

元郭氏夫戍天台部長李慕而挑之語夫夫殺李抵
死郭躬餽食獄椽葉屬意焉恩結其夫夫以語郭
郭曰汝死以我色也忍他適乎走仙人渡水中死
朶那者杭城東偉兀氏之女奴也年十九勤敏謹愿
主卒官他郡朶那奉主婦日謹主婦亦委以腹心
至正壬辰秋七月初十日寇陷杭劫官民府庫至
偉兀氏家無所得乃反接主婦柱下以刀礪頸上

諸侍婢皆散走朶那獨以身蔽主婦請代死且告
曰將軍所利者財豈利殺人哉家之寶貨皆我所
藏主母固弗知若免主母我當悉與將軍寇喜卽
解主婦縛乃探金銀珠玉幣帛等物置堂上寇爭
取而去朶那泣拜主婦曰棄主貨全主命權也妾
受命主鑰失貨而全身非義也請從此死乃自殺
李氏登州黃縣人鄒確母性貞慧而知禮足跡未嘗
出戶限其良曰世間用門功任管軍百戶戍居錢
唐有女嫁爲同邑周仲賓妻調顛之瑞金簿非辜

就逮女仰天嘆曰吾夫死必矣吾出門安適遂投
舍後池水死談者咸謂得之毋訓云至正間世間
分守海寧有惠政及張氏陷浙西屏居硤石元亾
不食死
翁氏姊者錢唐人年四十不嫁至正間寇陷錢唐與
弟忠一家四人誓結袂死於河姊曰河之死者穢
矣吾獨尋乾淨水死忠等赴河姊赴城陰古井死
曹處女者錢唐人名雪字玉霏年十三善琴十五工
詞翰母歿力窮葬其母年五十不嫁誓云死作

處女塚至

而錢唐喪亂處女閉戶三日餓而死

明魏氏蕭山人弁而擇錢唐鄭璽贅焉偶璽回杭疾
氏同祖母來待湯藥至已瞑目卽自縊祖母解之
歸渡江投水家人救焉抵家剪髮嚙指流血死

明楊泰奴仁和人天順四年九月母病割胸取肝和
糜奉母而愈時年二十二云

明陳氏錢唐人適朱僑寓崇德寇至抱幼子與夫相
失爲寇所逼置子井傍投井死

明胡義姑錢唐人胡宗信姊以父母弟繼歿遂不嫁

爲弟娶王氏生子二歲弟又歿撫弟妻子終不嫁
與王氏起臥相依守氏血食人推重之

明顧烈婦薛氏秀水縣人年十九歲適顧之球成婚
一月之球禍死氏屢行自縊因母看守除夕給母
回家是夜縫衣潛縊按院疏題奇節第一
明凌貞女錢唐芝松里人年十四許字錢唐生沈人
騏騏髻而入泮攻苦病廢而天時凌十八尙未嫁
聞訃遂往沈成服三年茹素事姑舅有禮服闋生
父母舉生殯凌哀號觸棺以嘔血死姑舅哀之與

生合塋焉鄉老士大夫投呈撫按置木主入表貞
祠歲祀修撰李維楨爲之銘

明潘烈女者錢唐人名聖姑五歲聘同邑孫生登名
未幾生父故家日落生年十七習儒力不能娶忽
得疾卒訃聞女方食卽推案廢箸而泣毅然欲往
奔喪父母力挽之女泣曰兒不幸夫故獨姑在猶
得爲夫事母終其天年父母不可遂謝去鉛華蓬
髮垢面日坐一榻一日聞姑死泣曰吾無家可歸
矣卽扃戶自縊事聞朝廷建坊旌表焉

明吳孺人陳氏事蹟碑陰蘇剝姑闕以待續刻

陳氏事蹟碑陰蘇剝姑闕以待續刻
明吳孺人陳氏事蹟碑陰蘇剝姑闕以待續刻
明吳孺人陳氏事蹟碑陰蘇剝姑闕以待續刻
明吳孺人陳氏事蹟碑陰蘇剝姑闕以待續刻
明吳孺人陳氏事蹟碑陰蘇剝姑闕以待續刻
明吳孺人陳氏事蹟碑陰蘇剝姑闕以待續刻
明吳孺人陳氏事蹟碑陰蘇剝姑闕以待續刻
明吳孺人陳氏事蹟碑陰蘇剝姑闕以待續刻
明吳孺人陳氏事蹟碑陰蘇剝姑闕以待續刻
明吳孺人陳氏事蹟碑陰蘇剝姑闕以待續刻

西湖志餘第七卷

錢塘 田汝成 輯撰

古吳 姚靖 增刪

才情雅致一

白樂天之守杭州也放浪湖山耽昵聲妓新詞艷曲

布浹郡中其既去也不勝回戀之思其詩云除官

去未閒半月恣幽討朝來霞外寺暮宿波上島新

木少於松平湖半連草躋攀有次第賞玩無昏早

有時騎馬醉兀然冥天造窮通與死生其奈吾懷

抱江山信爲美齒髮行將老在郡誠未厭歸鄉去
亦好又杭州迴舫詩云自別錢唐山水後不多飲
酒懶吟詩欲將此意憑迴棹與報西湖風月知其
尤日思杭州舊遊寄周判官及諸客詩云忽憶郡
南山頂上昔時同醉是今辰笙歌委曲聲延耳金
翠動搖光照身風景不隨宮相去歡娛應逐使君
新江山賓客皆如舊惟是當筵換主人又答客問
杭州詩云爲我踟躕停酒盞與君約畧說杭州山
名天竺堆青黛湖號錢唐瀉綠油大屋簷多裝雁
齒小航船亦畫龍頭所嗟水路無二百官繫何因
得再遊

杭州元宵之盛自唐已然白樂天詩云歲熟人心樂
朝遊復夜遊春風來海上明月在江頭燈火家家
市笙歌處處樓無妨思帝里不合厭杭州

唐大中十二年令狐綯薦李遠爲杭州宣宗曰聞李
遠有詩曰長日惟消一局棋豈可使治郡哉對曰
詩人之言不足泥也李遠廉察有聞雅宜治郡後
遠治郡有聲固宰相之知人而亦宣宗之言有以

警之也

陳文惠公述古守杭州喜江南梅度支至二首
淡薄交情老更濃爲君彈瑟送金鐘
苧羅香徑無人到姑射仙姿在處逢
鸞鶴品流慚晚達烟霞門戶憶先容
公餘莫放西湖景步步蒼苔岸岸松
其二公望當年最得君畫圖城郭喜同羣
門前碧浪家家海樓上青山寺寺雲
松下玉琴邀鶴聽溪邊苔石共僧分
情多景好知難盡且倒金尊任半醺
杭州繁盛自前宋時已然此詩錢唐景物亦畧盡矣又

題林和靖水亭詩云城外逋翁宅開亭野水寒
冷光浮荇葉靜影浸漁竿吠犬時迎客
饑禽忽上闌疎籬僧舍近嘉樹鶴庭寬
拂砌煙絲裊侵牕筍戟攢小橋橫落日
幽徑轉層巒好景吟何極清歡盡亦難
憐君留我意重疊取琴彈

嘉祐二年梅公儀摯以龍圖閣直學士出守杭州
仁宗賜之詩云地有湖山美東南第一州
剖符宜政化持橐輟才流暫出論思列
遙分旰食憂循良勤撫俗來暮聽歡謳
摯旣履任名其堂曰有美歐陽

永叔爲之記蔡君謨爲之書士夫題咏者甚多蘇子瞻倅杭嘗令從史盡錄其詩不著姓字默定高下以賈耘老爲首其詩云自刊宸畫入雲端神物應須護翠巒吳越不藏千里色斗牛常占一天寒四簷望盡回頭懶萬像搜來下筆難誰信靜中疎拙意畧無踪跡到波瀾

梅公儀之守杭州也歐陽永叔贈之詩云萬室東南富且繁羨君風力有餘閒漁樵人樂江湖外談笑詩成尊俎間日煖梨花催送酒天寒桂子落空山

郵筒不絕如飛翼莫惜新篇屢往還

蘇子瞻守杭守穎皆有西湖故穎川謝表云入參兩禁每玷北扉之榮出典二州輒作西湖之長秦少章詩云十里薰風菡萏初我公所至有西湖欲將公事湖中了見說官閒事亦無後謫惠州亦有西湖楊萬里詩云三處西湖一色秋錢唐汝穎及羅浮東坡元是西湖長不到羅浮便得休

子瞻兩在杭州似有宿緣而放浪湖山耽昵聲色樂天之後一人而已其與趙德麟餞飲湖上對月詩

老守惜春意主人留客情官餘閒日月湖上好清
明新火發茶乳溫風散粥餉酒闌紅杏闌日落大
堤平清夜除燈坐孤舟擘岸撐遠君幘未墜對此
月猶橫同曹子方雪中遊湖詩詞源灩灩波頭展
清唱一聲巖谷滿未容雪積句先高豈獨湖開心
事遠雲山已作歌眉淺山下碧流清似眼尊前脩
酒只新詩何異書魚餐蠹簡和蔡準遊湖詩夏潦
漲湖深更幽西風落木芙蓉秋飛雪暗香雲拂地
新蒲出水柳映州湖上四時看不足惟有人生飄

若浮解顏一笑豈易得主人有酒君應畱君不見
錢唐遊宦客暮決獄朝推囚不有人喚何時休懷
西湖寄晁美叔詩西湖天下景遊者無愚賢淺深
隨所得誰能識其全嗟我本強直早爲世所捐獨
專山水樂付與寧非天三百六十寺幽尋送窮年
所至得其妙心知口難傳至今清夜夢耳目餘芳
鮮君持使者節風采爍雲烟清流與碧巘安肯爲
君妍胡不屏騎從暫借僧榻眠讀我壁間詩清涼
洗煩煎策杖無道路直造意所便應逢古漁父葦

間自負緣問道若有得買魚勿論錢

有美堂在鳳山之頂左江右湖舉陳目下子瞻九日
泛湖而魯少卿會客堂上妓樂殷作子瞻從湖中
望之戲以詩云指點雲間數點紅笙歌正擁紫髯
翁誰知愛酒龍山客却在漁舟一葉中又云西閣
珠簾捲落暉水沉烟斷珮聲微遙知通德淒涼甚
擁髻無言怨未歸通德乃趙飛燕女史後爲伶玄
妾魯公使事已完不回朝家有美妾故子瞻譏之
一日子瞻會客堂上周長官邠同數僧泛湖戲以

詩子瞻因和二首
靄靄君詩似嶺雲從來不許醉
紅裙不知野屐穿山翠惟見輕橈破浪紋頗憶呼
盧袁彥道難邀罵坐灌將軍晚風落日元無主不
惜清涼與子分又云載酒無人過子雲掩關晝臥
客書裙歌喉不共聽珠管醉面何因作纈紋僧侶
且陪香火社詩壇欲歛鸛鵝軍憑君遍遶湖邊寺
漲淥晴來已十分

子瞻之去郡也有懷錢唐寄陳述古詩從來直道不
辜身得向西湖雨過春沂上已成曾點服泮宮初

采魯侯芹休驚歲歲年年貌且對朝朝暮暮人細
雨晴時一百六畫船鼉鼓莫違民其二草長江南
鶯亂飛年來事事與心違花開後院還空落燕入
華堂恠未歸世上功名何日是尊前點檢幾人非
去年柳絮飛時節記得金籠放雪衣其三浮玉山
頭日日風湧金門外已春融一年魚鳥渾相識三
月鶯花付與公剩看新翻眉倒暈未應泣別臉消
紅何人識得相思字寄與江邊北向鴻蓋宋時杭
人四月八日放鴿爲太守祈壽故有金籠放雪衣

之句又西湖懷舊行香子詞携手江村梅雪飄裙
情何限處處消覓故人不見舊曲重聞向望湖樓
孤山寺湧金門尋常處題詩千首綉羅衫與拂紅
塵別來相憶知是何人有湖中月江邊柳隴頭雲
熙寧初議行新法子瞻力言不便及出判杭州遂以
詩語賈禍其詩云老翁七十自腰鎌慚愧春山笋
蕨甜豈是聞韶解忘味邇來三月食無鹽以其譏
鹽法太急而民皆淡食也又云杖藜裹飯去忽忽
過眼青錢轉手空贏得兒童好音語一年強半在

城中譏青苗法行鄉村小民不得安堵歛畝也又云吳兒生長狎濤淵冒利忘生不自憐東海若知明主意應交斥滷變桑田譏主上好興水利猶以斥滷變桑田終無成日也子瞻得罪固出無辜而露才取忌亦當自引

孫何帥錢塘柳耆卿作望海潮詞贈之既而此詞流播金主亮聞之矍然起投鞭渡江之想命畫工潛入臨安圖西湖揭軟屏間貌已像策馬吳山之巔題其上曰萬里車書盡會同江南豈有別疆封提

兵百萬西湖上立馬吳山第一峯其時有謝厚者詠其事云誰把杭州曲子謳荷花十里桂三秋那知卉木無情物牽動長江萬里愁廬陵羅景綸又云耆卿此詞乃逆亮送死媒也未足深悵至於荷艷桂香粧點湖山清麗使士大夫畱連歌舞忘顧中原是則可恨爾因和云殺胡快劍是清謳牛渚依然一片秋却恨荷花畱玉輦竟忘烟柳汴宮愁辛幼安嘗作晚春詞云更能消幾番風雨匆匆春又歸去惜花長恨花開早何況亂紅無數春且住見

說道天涯芳草迷歸路怨春不語筭只有殷勤畫
簷蛛網盡日惹飛絮長門事准擬佳期又誤蛾眉
曾有人妬千金縱買相如賦脉脉此情難訴君莫
舞君不見玉環飛燕皆塵土閒愁最苦休去倚危
闌斜陽正在烟柳斷腸處此詞斜陽烟柳之句怨
刺頗深比之天際輕雲者殊無蘊藉壽皇見之拂
然不悅然亦不罪也

宋建元中駕駐維揚康伯可上中興十策名振一時
後秦檜當國伯可乃附會求進擢爲臺郎值慈寧

歸養兩宮燕樂伯可專應制爲歌詞諛豔粉飾聲
名掃地而世但以比柳耆卿輩矣檜死伯可亦貶
五竿檜生日伯可壽以喜遷鶯詞云臘殘春早正
簾幙護寒樓臺清曉寶運當千佳辰餘五嵩嶽誕
生元老帝遣阜安宗社人仰雍容廊廟盡總道是
文章孔孟勳庸周召師表方春遇魚水君臣須信
從年少玉帶金魚朱顏綠鬢占斷世間榮耀篆刻
鼎彝將遍整頓乾坤都了願歲歲見柳梢青淺梅
芙紅小又嘗與檜對局格天閣下檜戲曰此卒渡

河是爾將軍之疥癩伯可徐應曰今皇御極視公
宰相爲腹心檜大喜撒棋酣飲終日而罷

康伯可嘗與右璫狎適睿思殿有徽祖御畫特爲卓
絕上時持玩以起羹牆之悲璫下直竊携至家而
伯可適來畱之飲因出示之伯可給璫入取殺核
輒書一絕於上曰玉輦宸遊事已空尚餘奎藻繪
春風年年花鳥無窮恨盡在蒼梧夕照中璫見之
大駭然無可奈何明日伺閒叩頭請死上大怒亟
取視之天威頓霽但一慟而已

吳郡王益者憲聖太后弟也德壽特親愛之入宮每
用家人禮憲聖常持盈滿之戒每告之曰凡有宴
名非得吾言不可擅入一日王竹冠練衣獨携一
童縱遊天竺靈隱間濯足於冷泉盤石上游人望
之儼如神仙遂爲邏者奏聞次日德壽以小詩名
之曰趁此一軒風月好橘香酒熟待君來令小璫
持賜王遂亟往光堯迎笑曰昨者冷泉之遊樂乎
王恍然頓首謝光堯曰朕宮中亦有此景卿欲見
之否蓋疊石引泉象飛來香林之勝架堂其上冷

泉亭中揭一畫乃圖王野服濯足於盤石上且御製一贊云富貴不驕威婉稱賢掃除膏粱放曠林泉滄浪濯足風度瀟然國之元舅人中神仙於是盡醉而罷因舉圖以賜之

張鎡功甫號約齋忠烈王諸孫能詩一時名士大夫莫不交遊其園池聲妓服玩之麗甲天下嘗作梅園於湖上作堂其間曰玉照堂其自叙云梅花爲天下神奇而詩人尤所酷好淳熙歲乙巳予得曹氏荒圃於南湖之濱有古梅數十散輟地十畝移

種成列增取西湖北山別圃紅梅合三百餘本築堂數間以臨之又挾以兩室東植千葉緗梅西植紅梅各一二十章前爲軒楹如堂之數花時寄宿其中環潔輝映夜如對月因名曰玉照復開澗環繞小舟往來未始半月捨去自是客有遊桂隱者必求觀焉頃者太保周益公秉鈞予嘗造東閣坐定首顧予曰一棹徑穿花十里滿城無此好風光蓋予舊詩尾句衆客相與歆豔於是遊玉照者又必求觀焉值春凝寒又能畱花過孟月始盛名人

才士題詠層委亦可謂不負此花矣但花豔金秀
非天時清美不宜又標韻孤特若三閭首陽二子
寧槁山澤終不肯頰首屏氣受世俗湔拂間有身
親貌悅而此心落落不相領會甚至於污褻附近
畧不自揆者花雖眷客然我輩胸中空惆幾爲花
呼叫稱寃不特三歎而足也因審其性情思所以
爲獎護之策凡數月乃得之今疏花宜稱憎疾榮
寵屈辱四事總五十八條揭之堂上使來者有所
警省且示人徒知梅花之貴而不能愛敬也使予

與之言傳布流誦亦將有媿色云花宜稱凡二十
六條爲澹陰爲曉日爲薄寒爲細雨爲輕烟爲佳
月爲夕陽爲微雪爲晚霞爲珍禽爲孤鶴爲清溪
爲小橋爲竹邊爲松下爲明窗爲疎籬爲蒼厓爲
綠苔爲銅甌爲紙帳爲林間吹笛爲膝上橫琴爲
石枰下棋爲掃雪煎茶爲美人淡粧簪戴花憎嫉
凡十四條爲狂風爲連雨爲烈日爲苦寒爲醜婦
爲俗子爲老鴉爲惡詩爲談時事爲論差除爲花
徑唱道爲對花張緋縠爲賞花動鼓板爲作詩用

調羹驛使事花榮寵凡六條爲烟塵不染爲鈴索
護持爲除地鏡淨落瓣不溜爲主人旦夕畱盼爲
詩人閣筆評量爲妙妓淡粧雅歌花屈辱凡十二
條爲主人不好事爲主人慳鄙爲種富家園內爲
與粗婢命名爲蟠結作屏爲賞花命猥妓爲庸僧
窗下種爲酒食店內插瓶爲樹下有狗屎爲枝下
皦衣裳爲青紙屏粉畫爲生猥巷穢溝邊

趙孟堅字子固號彝齋宋諸王孫也修雅博識善筆
札工詩文酷嗜法書多藏三代以來金石名蹟遇

其會意時雖傾囊易之不斷也又善作梅竹往往
得迦禪石室之妙於山水爲尤奇時人珍之襟度
瀟爽有六朝諸賢風氣時比之米南宮而子固亦
自以爲不歎也東西薄遊必挾所有以自隨一舟
橫陳僅畱一席爲偃息地隨意左右取之撫摩吟
諷至忘寢食異時有蕭千巖者得舊藏襖叙後歸
之俞壽翁家子固復從壽翁善價得之喜甚乘舟
夜汎而歸至雪之弁山風作舟覆行李滄溺無餘
子固方被濕衣立淺水中手持襖帖示人曰蘭亭

在此餘不足介意因題八言於卷首云性命可輕
至寶是保蓋其酷嗜雅尚出於天性如此

山陰陸放翁務觀之出也韓平原實招致之所作南
園閱古泉二記時雖稱頌而有規勸之忠焉故平
原敗而猶得免禍其題武林詩皇輿久駐武林宮
汴落當時未易同廣陌有風塵不起長江如練水
常通樓臺飛舞祥烟外鼓吹喧呼明月中六十年
間幾來往都人誰解記衰翁臨安春霽詩世味年
來薄似紗誰憐騎馬客京華小樓昨夜聽春雨深

巷今朝賣杏花矮紙斜行閒作草晴窗細乳戲分
茶布衣莫動風塵歎猶及清明可到家

韓無咎元吉雨中聞呂伯恭至湖上詩云莫嫌鞭馬
踏春泥茶鼎詩囊偶共携山色雲深看更好湖光
烟接望還迷連天花絮飛將盡夾道蒲荷長欲齊
官事得閒須洗眼蓬壺只在帝城西伯恭乃元吉
之婿也

林外字豈塵泉南人詞翰瀟爽談論不羈飲酒無筭
在上庠暇日獨遊西湖幽寂處坐小旗亭飲焉外

丰姿都雅角巾鶴氅飄飄若神仙置虎皮錢篋數
枚藏腰間每出其一命酒家領之視錢計酒直酒
且盡復傾一篋迨暮凡飲數斗不醉而篋中之錢
若循環無窮肆中人驚異將去索筆題壁間云太
乙案前是我家藥爐丹竈舊生涯春城戀酒不歸
去老却碧桃無限花明日都下喧傳某肆有神仙
至飲云

番陽張彥實其兄楚材爲秘書監約彥實觀梅西湖
彥實作詩云天上新驂寶輅回看花仍趁雪霏開

折歸忍負金焦葉笑插新臨玉鏡臺女堞未須翻
角調錦囊先喜助詩材少蓬自是調羹手葉底應
尋好句來時楚材再婚故及玉鏡臺事秦檜當國
見其詩喜之遂擢左史

劉後村潛夫贈高九萬介寄孫季蕃詩二首諸人凋
落盡高叟亦中年行世有千首買山無一錢紫髯
長拂地白眼冷看天古道微如綫吾儕各勉旃其
二菊磔說花翁飄零向浙中無書上皇帝有句惱
天公世事年年異詩人個個窮築臺并下榻今豈

乏英雄

孫花翁季蕃送女冠還俗詩脫却霞綃上醮衣女童
鬢髻綠楊垂重調螺黛爲眉淺再試弓鞋舉步遲
紫府烟花鶯喚醒丹房雲影鶴通知簾低紅杏春
風煖清夢應曾見舊師段吉甫天祐送妓入道詩
歌舞當年第一流洗粧今日別青樓便從南嶽夫
人去肯爲蘓州刺史畱琳館月明簫鳳下瑣窗花
老鏡鸞收却憐愁絕潯陽婦嫁得商人已白頭事
相反而語皆工吉甫元時浙江儒學提舉也妓名

李當當故教坊絕色者

小雲石海涯者阿里海涯之孫也其父楚國公貫只
哥雲石遂以貫爲氏號酸齋年十二三脅力絕人
稍長折節讀書目五行下吐辭爲文不蹈故常意
旨皆出人意表當仁宗時爲翰林學士稱疾還江
南賣藥錢唐市中結廬龍華山詭姓名易服色人
無識者偶過果山樂見漁父織蘆花爲被欲易之
以油漁父疑其爲人陽曰君欲吾被當更賦詩遂
援筆賦云採得蘆花不滿塵翠箬聊復藉爲裯西

風刮夢秋無際夜月生香雪滿身毛骨已隨天地
老聲名不讓古今貧青綾莫爲鴛鴦妬款乃聲中
別有春竟持被去人間喧傳蘆花被詩其依隱玩
世多類此酸齋有二妾名洞花幽草酸齋臨終有
辭世詩云洞花幽草結良緣被我瞞他四十年今
日不畱生死相海天秋月一般圓
貫雲石隱居錢唐一日郡中數士人遊虎跑泉飲間
賦詩以泉字爲韻中一人但哦泉泉泉久不能就
忽一叟曳杖而至問其故應聲曰泉泉泉亂迸珍
珠個個圓玉斧斫開頑石髓金鈎搭出老龍涎衆
驚問曰公非貫酸齋乎曰然然然遂邀同飲盡醉
而去

虞伯生寄浙江提舉鄧善之詩山雨不來喧靜夜汀
雲猶爲護晴朝一羣青雀牆花老幾箇黃鸝苑樹
遙何有深心期管樂獨無高步接松喬未能逕去
成飄忽且可相從慰寂寥戴表元送砥平石歸天
竺兼東鄧善之詩聞說西湖也自憐君行况是早
春天六橋水暖初楊柳三竺山深未杜鵑舊壁苔

生尋舊刻新巖茶熟試新泉城中諸友須相覓西
蜀遺儒草太玄

鄧善之文原其先綿州人父漳徙錢唐遂爲錢唐人
至元中爲杭州路儒學正以春秋立教累官翰林
侍講學士後辭官還錢唐盧亘嘗作詩十首送之
陳衆仲旅莆田人元統初爲江浙儒學副提舉薩天
錫贈詩云江南少識陳衆仲闕下才名北斗齊直
閣每從花底見揮毫曾向御前題觀魚小海鳳新
浴立馬上林鶯亂啼今日西湖隄上路獨騎欵段

踏春泥衆仲在任雅好湖山意有所屬便乘興獨
往流連竟夕得佳句則欣躍而歸後爲應奉翰林
有元夕懷錢唐詩云武帝親祠太乙神流光涵旭
動星辰竹宮典禮猶存漢軹道山河已易秦香逕
至今啼木客露盤無復泣金人紅燈幾點東風裏
猶是元宵一度春

虞伯生集臨川人少不偶浪遊錢唐一日偕楊仲弘
范德機訪微煉師於湖曲求名仙鬼煉師置箕懸
筆書符作法有頃箕動筆運書曰某當境神也煉

師叱曰吾不名汝復書曰欲乞虞公撰一保文申
達上帝以求陞爾眾勸伯生許之翌日文成焚之
湖濱逾旬再詣煉師神復降曰某已獲授城隍謹
候謁謝公必貴顯幸毋自怠旣而伯生由校官至
奎章閣侍書學士封仁壽郡公始信神言之不妄
也

楊仲弘載其先浦城人後家錢唐與虞伯生揭曼碩
范德機齊名時稱虞楊范揭云洪武初祀於杭學
鄉賢祠仲弘詩以宗陽宮玩月爲絕倡然他作如

風雨五更鷄亂叫江湖千里雁相呼挾書萬里朝
明主仗劍三年別故鄉窗間夜雨消銀燭城上青
雲壓彩旗空桑說法黃龍聽貝葉翻經白馬馱沉
雄典實行輩推之

黃潛贈仲弘詩別離經夜雨蹉跎媿後塵祗今才有
數多爾術能神玉唾春風濕烟霄碧樹新謬慚推
吏事吾敢望平津杜清碧寄仲弘詩老來自愛黃
叔度少日真期魯仲連高臥獨無田二頃曳裾誰
有客三千滄波渺渺浮鷗鳥白日翩翩換歲年却

西泠志餘 卷之七
憶江東楊少尹劇談終夜不成眠
趙子昂孟頫宋秦王德芳之後也居湖州仕元爲浙
江儒學提舉翰林院學士世宗嘗問葉李畱夢炎
優劣子昂對曰夢炎臣之父輩有大臣器帝曰汝
以夢炎賢於李耶夢炎在宋爲狀元位至丞相當
賈似道誤國罔上夢炎依阿取容李布衣乃伏闕
上書是賢於夢炎也汝以夢炎父友不敢斥言其
非可賦詩譏之子昂所賦詩有往事已非那可說
且將忠直報皇元之語議者謂子昂適所以自譏

也至其西湖絕句云正恐前呵驚白鷺獨騎款段
遶湖歸流連光景異於黍離之感矣

鮮于伯機樞漁陽郡人爲浙江行省都事因居杭州
風流文雅與吳興趙子昂相伯仲遷太常簿子昂
嘗貌其神虞伯生贊之曰歛風沙裘劍之豪爲湖
山圖史之樂翰墨軼米薛而有餘風流擬晉宋而
無作是以吳興公運畫沙之錐刻希世之玉使千
載之下眼識二妙於遐邇伯機有鶴苑非命瘞之
西湖士夫多有詩悼之梁曾詩云翠栢屏前竹闌

曲幾見毡毳雪衣舞平生風雲萬里心零落湖山
一丘土世間萬事不可虞奇禍何由也到渠不見
嵇康遭殺戮令人空歎養生書張伯雨詩羽衣凍
損雲爛爛碧落遊龜杳不還和靖船歸籠尚閉浮
丘經在壽能慳長身幣裹玄黃內舊蹟苔封紫翠
間擬撰瘞銘修故事寄書先寄九華山

張仲舉翁其先晉寧人父爲杭州鈔庫副使因家焉
翁少時豪放不羈好蹴踘喜音樂父憂之一旦翻
然易業閉戶讀書從仇仁近以詩文名海內累官

至翰林學士承旨所著有蛻庵集東西馬塍春行
東平澁伯客詩清明時節每多陰楊柳人家花滿
林潑火乍收連日雨賞春長負百年心鳧翁一一
塘蒲暖稚子班班隴麥深爲報能詩平處士剩携
芳酒共幽尋天竺訪項可立不遇詩葛洪川畔千
年寺路遶長松一澗分潭影青移行處岫嵐光白
散望中雲猿公吟樹應思侶鹿女銜花不亂羣常
一奚山僧專勝概水聲林下百無聞清明雨晴遊包
山龍華寺過慈雲嶺詩當年玉輦此經行古寺猶

題扈從名龍鳳議空山氣歇馬羊劫換海波平野
桃着雨春紅落嶺路霾雲濕翠生日暮人歸烟樹
黑饑飈啼雨上宮城

張仲舉至正初爲集慶路學訓導御史下學點視廩
膳鄰齋出對云豸冠點饌是日適用驢肉仲舉戲
續云驢肉作羹蓋御史河南人也聞之大怒欲逮
捕之乘夜逃揚州時揚方全盛衆聞其名爭延致
之仲舉肢體昂藏行則偏竦一肩韓介玉爲詩嘲
之云垂柳陰陰翠拂簷倚闌紅袖玉纖纖先生掉

臂長街上十里朱樓盡下簾一座大笑後入大都
致位通顯仲舉長於詩其近體長短句尤工文不
如詩而每以文自負常語人曰吾於文已化矣蓋
未嘗構思也他日翰林學士沙刺班示以所爲文
請易置數字苦思者移時終不就沙刺班曰先生
於文已化矣何思之苦也仲舉大笑蓋仲舉善詭
引笑故戲之如此

楊廉夫維楨初居吳山鐵冶嶺故號鐵厓旣得鐵笛
更號鐵笛雅好聲妓名徹都下葉居仲寄之詩云

西清志餘 卷之七
聞道西湖載酒還飛瓊弱翠擁歸鞍可無私夢登
金馬剩有春聲到玉鑿異國頓消鄉井念小堂新
作畫圖看野人未納彭宣履獨向清溪把釣竿晚
居淞江有四妾竹枝柳枝桃花杏花皆喜歌舞有
嘲之者云竹枝柳枝桃花杏花吹彈歌舞撥琵琶可
憐一箇楊夫子化作江南散樂家

廉夫嘗訪瞿士衡以鞋盃行酒命其姪孫宗吉詠之
宗吉作沁園春以呈廉夫大喜卽命侍妓歌以侑
觴詞云一掬嬌春弓樣新裁蓮步未移笑書生量

窄愛渠儘小主人情重酌我休遲醞釀朝雲斟量
暮雨能使麴生風味奇何須去向花塵畱蹟月地
偷期風流到處偏宜便豪吸雄吞不用辭任凌波
南浦惟誇羅襪賞花上苑祇勸金卮羅帕高擎銀
瓶低注絕勝翠裙深掩時華筵散奈此心先醉此

恨誰知

元時錢唐士女曹妙清字比玉號雪齋張妙淨字惠
蓮號自然道人皆工詩章曹又善鼓琴行草皆有
法度事母孝謹三十不嫁而風操可尙張曉音律

情逸而才飄晚居姑蘓之春夢樓皆一時之淑媛也與廉夫爲文字友廉夫嘗荅妙清絕句云紅牙管箏紫狸毫雪水初融玉帶袍寫得雪濤萱草帖西湖紙價頓能高玉帶袍者曹氏名硯其云萱草帖者狀其孝也

廉夫嘗以竹枝詞索和於崑山郭羲仲羲仲以吳中柳枝荅之因賦詩云吳中柳枝傷春瘦湖中竹枝湘水秋說與錢唐藕小小柳枝愁是竹枝愁

張光弼昱廬陵人至正時爲行省左右司員外嘗作

歌風臺詩云世間快意寧有此亭長還鄉作天子沛公不樂復何爲諸毋父兄知舊事酒酣起舞和兒歌眼中盡是漢山河韓彭誅夷黥布戮且喜壯士今無多縱酒極歡畱千日慷慨傷懷淚沾臆萬乘旌旗不自尊魍魎猶在故鄉憶由來樂極易生哀泗水東流不再回萬歲千秋誰不念古之帝王安在哉莓苔石刻今如許幾度西風灞陵雨漢家社稷四百年荒臺猶是開基處一日乘酣朗唱於瞿宗吉以界紙擊桌鏗然若金石也笑曰吾死埋

骨西湖題曰詩人張員外墓足矣

張光弼初居楊完者左丞幕下頗有功業之思故其詩云免胄日趨丞相府解鞍夜宿五侯家玉盃行酒聽春雨銀燭照天生晚霞世亂且從軍旅事功成須插御筵花漢王未可輕韓信尚要生擒李左車又云西樓柳風吹晚香石榴裙映黃金觴纖歌不斷白日速微雨欲度行雲涼笑看席上賦鸚鵡醉聽門前嘶驪驢早晚平湖王事畢羽書飛捷入朝堂及張氏擅權光弼憤焉遂不事事以酒詩自

娛其詩云一陣東風一陣寒芭蕉長過石欄干兵消幾度槽騰醉看得春風到牡丹蓋言時事也

元時法禁寬假士夫得以沉昵盤遊故其詩多脂粉綺羅之態楊廉夫詩云二月皇都花滿城美人多病苦多情一雙孔雀行瑤圃十二飛鴻上錦箏酒掬真珠傳玉掌羹分甘露倒銀罍不堪容易少年老爭遣狂夫作後生又云天街如水夜初涼照室銅盤壁月光別院三千紅芍藥洞房七十紫鴛鴦綉靴蹴鞠勾驪榘羅帕垂彎女直妝願汝康強好

眠食百年歡樂未渠央又云公子銀瓶分汗酒佳人金勝剪春花又云金埒近收青海駿錦籠初教雪衣娘又云小洞桃花落香雪大隄楊柳舞青烟又如張光弼詩云玉甌注酒雙鬟綠銀甲調箏十指寒又云新妝滿面猶看鏡殘夢關心懶下樓一時富貴繁華可想見矣

黃晉卿潛義烏人至正初爲浙江儒學提舉工文章獎引後進不喜華塗有西湖舟中詩云黃塵烏帽媿平生對客猶稱舊姓名此事正堪三太息祇今

忍負四難并放舟乍落空濛境送酒元無窈窕聲
金谷蘭亭嗟已矣不妨時暫濯吾纓

劉師魯汝鄜王琦六世孫也元時占籍錢唐以文章淑後進黃文獻公潛贈之詩云邂逅交神十載餘清風落月幾愁予何言此日同傾蓋勝讀平生未見書天上玉堂容可到山中金匱得長虛故多餘事宜商略可待秋風怨索居其時有劉聲之濩亦與齊名洪武初俱祀於鄉賢祠

貢友初者貢師泰尙書族子也宣城人至正間師泰

爲浙江行省叅政遂僑寓錢唐友初自上都還錢唐也師泰贈之詩云嗣宗諸姪仲容賢客路飄零雪滿巔曾爲頌椒雷子美却思戲蠟愛僧虔十年湖海三盃酒百里溪山一釣船何日兵戈得休息敬亭春雨共歸田友初詩才清麗但纖穠乏骨獨送戴伯貞還廣西一律云桂江烟水接瀟湘逐客南歸路道長卷裏漫多新制作篋中猶是舊衣裳逢人盡說官如水老我相看髮已霜此去莫教音問斷雁飛今喜過衡陽叙事委曲而感慨係之出

諸作之上

張行中挽貢友初詩百年心事復誰知過海人傳俊逸詩懶聽朝鷄全晚節慣騎官馬說當時文章自歎無遺蔭冰玉還看有故枝一代風流俱已矣曉星殘月不勝悲黃金臺上草芊芊棹臂東風四十年對客半開青白眼寫懷漫賦短長篇玉堂春夢烟雲外茅屋秋風浙水邊惆悵清覓招不返空歌楚夢淚潸然

鄧林南海人初名觀善以南昌昌教授擢吏部驗封主

事成祖改名林後坐法謫戍保安遇赦晚居杭州
詩文爲一代所推重嘗有春夕旅懷詩云萬里東
風故國情十年幾度鳳凰城衡陽雁盡春三月巫
峽猿啼夜二更席上狂言因酒得鏡中華髮爲愁
生靜觀富貴如雲轉拂袖歸來任俗爭

鍾狂客禧南海人甚有詩名成化中淮南督理漕運
總兵官平江伯陳公銳取歸幕下過杭友人招遊
西湖寄之詩鍾和曰湖光山色最宜秋君不來招
也去遊已辦蜀川千丈錦爲誰今日盡纏頭味其

詩辭真狂客也

楊溫甫孟瑛四川鄆都人弘治十六年知杭州府時
西湖民間規占者十九溫甫建議於御史車梁僉
事高江銳情濬復而浮言胥動溫甫乃爲文諭民
曰先賢爲民深弘利本持濬西湖之浸用漑上塘
之田多歷歲年漸成湮廢此者鄉賢侍郎何公生
長是邦習知成事著爲三說辨析百端伏蒙當道
俯念地方力圖濬復予又職司水土敢憚劬勞重
惟湖上之園池盡是豪家之封殖一旦開幾百口

怨咨民旣傷心我亦動念但今民產本昔官湖民
侵於官以肥家固已干紀官取於民以復舊豈爲
厲民又惟上塘萬頃之田宿仰西湖千畝之水水
盡湮塞田漸荒蕪利歸於數十家害貽於千萬井
况古人畱利物之澤豈今日啟生事之端幸相導
以平心勿相搖於異說有以占產自首者原情免
罪奏請除糧查得銅錢局及崇興崇善禪智等廢
寺田以畝計者數千地以頃計者盈百動連阡陌
間附城闡膏沃可耕標換如數况在昔湖田皆捏

報之稅於今清籍有新增之糧新增者至九百而
有奇捏報者幾八百而不足稍加查派不費更張
決不累民無患虧賦予性知執法心在利民非勢
力之可移惟鬼神之是質凡我父老率爾鄉閭早
爲遷移無肆頑梗觀於斯文公之任怨亦劇矣乃
以正德二年二月二日興工六月十日歇役八月
十九日續工九月十二日訖事日用夫八千人銀
二萬八千七百餘兩

聶大年號東軒臨川人舉明經爲仁和縣學訓導陞

教諭襟懷坦率有清才文章流麗詩復俊逸而灑
翰得李北海遺意誘育士子務盡恩義薦入翰林
修遼金宋三史卒其初度日寫懷詩云五十一年
車下坡又逢初度意如何牀頭漸覺黃金少鏡裏
還憐白髮多人笑能詩貧杜甫天容善飲老廉頗
相知惟有梅花在自折南枝伴醉歌又次荅祖芳
云幾年遠別喜重過白首相看奈老何富貴不來
真有命齒牙雖脫尙能歌頻沽市飲消殘燭遙指
天星出絳河惟有與君情莫逆他人平地起風波
嗚呼四海交遊豈止一組芳而已哉蓋以寡合有
激而云然爾劉邦彥哭大年詩京邸淒涼寄病身
俄聞鵬鳥上承塵共嗟賈誼年華促自顧虞翻骨
相屯千里音書成永訣九重泉路隔交親傷心今
夜東軒月空照先生漉酒巾

聶大年之掌教仁和也歷官九年不以家眷自隨嘗
有荅內子寄衣詩云山妻憐我舊蘓秦寄得衣來
穩稱身落日故園歌白苧秋風京洛染緇塵同心
意重思偕老結髮情深不厭貧萬里不如歸去好

幾多衣錦夜行人又有論兒輩詩云四兒五歲六兒三莫與肥甘習口甜清白傳家無我愧詩書世業要人擔三餐淡飯何須酒一筋黃蘗畧用鹽聞說有人曾餓死筭來原不爲官廉睹此高風可想矣

聶大年詩翰著名一時而不得預京銜或曰大年在錢唐時嘗署桃符云文章高似翰林院法度嚴如按察司以此見忤達官晚年被徵修史至京而卒時人比之梅聖俞宜也

聶大年在仁和時山西湖廣廣東廣西咸以秋闈校士致騁大年辭不往寄之詩云名藩校藝遣徵書使者頻煩走傳車老大難行太行路平生厭食武昌魚五羊城古仙遊遠八桂雲寒樹影疎寄語天涯好知己莫因詞賦薦相如

聶大年嘗賦卜算子二首蓋自况也其一云楊柳小蠻腰慣逐東風舞學得琵琶出教坊不是商人婦
忙整玉搔頭春筍纖纖露老却江南杜牧之懶爲秋娘賦其二云粉淚濕鮫綃只恐郎情薄夢到巫

山第幾峯酒醒燈花落數日尙春寒未把羅衣著
眉黛含顰爲阿誰但悔從前錯

孫太初一元號太白山人正德中流寓西湖或曰安
化王裔避亂詭姓名修髯哲面丰儀蕭灑望之宛
然神仙也詩思清逸有烟霞氣其跨驢遊西山天
竺寺詩秋葉滿林吹亂紅秋光半在山寺中老納
迎門解幽事一見呼我長鬚公薰爐相對坐終夕
松聲泉韻何冲融獨鶴隔竹向人立欲鳴未鳴幽
意同氣酣月落豪興發詩成三繞青桂叢造物小

兒玩人世俯仰何必悲無窮布袍斗笠自高格狂
歌醉舞驚山翁歸來明月散林影驢背仰笑秋山
空

孫太白之寓西湖也與聞人鄭繼之善夫善其夢繼
之詩云不見平生鄭廣文風塵側望隔青雲殊方
物色偏憐客雨夜燈花頻夢君隔葉山鳩高自語
避人江鶴獨爲羣眼中世事堪惆悵塞北音書久
未聞鄭繼之寄孫太白詩吳門往日聽談玄寒雁
江鱗動隔年聞爾獨居水西寺與誰同泛六橋船

魚翻荇帶錦不亂鳥下藤蕪青可憐擬把郢筒共
梅蕊兼程定得小春天又云爲問山人孫太初交
情歲晚莫教疎孤山梅萼春相惱蒲地松苓日自
鋤江夏肯容禰處士茂陵初臥馬相如知君不廢
茗溪釣書帛能無寄鯉魚

西湖志餘第八卷

錢塘 田汝成 輯撰

古吳 姚靖 增刪

王才情雅致二

羅昭諫隱新城人博物能詩唐昭宗時遊京師不遇
歸謁武肅王辟爲錢唐令尋掌書記時鏐初授鎮
海軍節度命沈崧草謝表盛稱浙江繁盛成以示
隱隱曰是自賈征索也請更之乃極言兵火凋弊
有天寒而麋鹿來遊日暮而牛羊不下之語廷臣

見之曰此羅隱詞也又賀昭宗更名晬表曰左則
姬昌之半字右則虞舜之全文京師稱爲諸鎮第
一然性傲睨好議評臧否探隱命物往往奇中故
至今杭人稱前定不爽者猶云羅隱題破也

潘逍遙聞錢唐人以詩名宋太宗將官之辭不就與
王繼恩善繼恩敗捕之遁弗得咸平初京尹收繫
之真宗赦其罪以爲滁州叅軍卒於泗上初聞在
錢唐與道士馮德之約歸骨於天柱山德之囊其
骨歸葬焉聞與王元之孫何柳開魏野最厚暇則

放懷湖山隨意吟咏人目之爲謫仙嘗有過華山
詩云高愛三峯插太虛帝頭吟望倒騎驢旁人大
笑從他笑終擬移家向此居好事者畫爲圖魏野
贈詩云昔賢放志多狂恠若此而今總未知從此
華山圖籍上又添潘闥倒騎驢又夏日宿西禪院
詩此地絕炎蒸深疑到不能夜涼知有雨院靜似
無僧枕潤連雲石窗明照佛燈浮生多賤骨時日
恐難勝蘓子瞻深喜之

沈文通邁錢唐人皇祐初舉進士後知杭州疎儁博

達明於吏治令行禁止以公錢嫁民間孤女數百人倡優養良家子者奪歸其父母嘗鑿井引湖水以便民至今稱沈公井其送施密守錢唐詩云塞外風烟湖上塵歸來始覺二毛新承明自厭頻趨直滄海還思一濯巾幕府旌旗初壓境畫船歌吹便行春湖山滿目舊遊在何日從公醉紫萸所著有西溪集

沈睿達遼邁弟也趣操高爽能詩王安石甚重之有風流謝安石瀟洒陶淵明之稱坐法流池州得九

華秋浦間喜曰使我自擇不過爾爾築室齊山名雲巢所著有雲巢編蘓黃皆與倡和

沈存中括邁從父也舉進士編校昭文書籍定三歲郊丘之制考渾儀景表五壺浮漏造新曆募天下上太史古書神宗稱善忤蔡確出知延州幕軼羣之士得徹札超乘者千餘時朝廷出宿衛兵戍鎮賞賚至再而不及鎮兵括以爲兵衛雖重而無歲不戰者鎮兵也賞不均且名亂乃藏勅而矯制賜緡錢以驛聞詔報嘉之

關子淵治杭州人元祐間爲翰林學士將辭歸隱士
孔夷贈之詩云吳越聲飛三十年緇衣空復歎遺
編紫芝眉宇風塵外太白文章錦繡前可是石渠
方載筆未應水國要歸田他年雪裏相逢處能記
騎驢孟浩然其清標絕俗如此

強幾聖至錢唐吳山里人刻苦攻詩韓魏公甚重之
所著有祠部集其戲贈賈麟自睦來杭將復如蘇
詩春風那解繫狂遊朝醉桐江暮柳州大手千篇
隨地掃一身四海學雲浮榮名不落閒宵夢退策

聊爲晚歲謀老橘殘鱸猶有興片心歛起洞庭舟

周羹成邦彥錢唐人疎雋少檢不爲州里推重而博
涉百家元豐初遊京師獻汴都賦神宗奇之累官
徽猷閣待制提舉能自度曲製樂府長短句詞韻
清蔚名其居曰顧曲堂其所製意難忘云衣染鶯

黃愛停歌駐拍勸酒持觴低鬟蟬影動私語口脂
香簷露滴竹風涼拚劇飲淋漓浪夜漸深籠燈就月
子細端詳知音見說無雙解移宮換羽未怕周郎
長鬢知有恨貪耍不成粧些個事惱人腸試說與

何妨又恐伊尋消問息瘦減容光其詞格大率類
此

羹成晚歸錢唐夢中得瑞鶴仙詞一闋云情郊原帶
郭行路永客去車塵漠漠斜陽映山落歛餘紅猶
戀孤城欄角凌波步弱過短亭何用素約有流鶯
勸我重解繡鞍緩引春酌不記歸時早暮上馬誰
扶醒眠未閣驚颺動幕猶殘醉遶紅藥歎西園已
是花深無地東風何事又惡任流光過却歸來洞
天自樂未幾方臘亂自桐廬入杭時羹成方宴客

倉皇出奔趨於西湖墳菴適際殘冬落日在山忽
逢故人之妾奔逃而來乃與小飲於道旁旗亭聞
鶯聲於木杪少焉分背抵菴尙有餘醺困臥承閣
之上恍如詞語後羹成得請提舉洞霄宮終老焉
白廷玉珽錢唐人博綜經史所著有湛源集方回劉
辰翁稱其詩逼陶韋書逼顏柳嘗著有西湖賦二
首行世最稱精核

葉太白李錢唐人或曰富陽人賈似道當國時行公
田關子兩法民間苦之李上書力詆且獻鈔式以

代關子似道怒黥流嶺南及似道敗赦還而似道亦有漳州之謫相位於途太白贈之詞云君來路吾歸路來來去去何時住公田關子竟何如國事當時誰與誤雷州戶厓州戶人生會有相逢處客中頗恨乏蒸羊聊贈一篇長短句宋亡入元上書獻鈔式世皇嘉納遂爲至元鈔仕至中書左丞錢思復惟舍錢唐人博學能文章以浙潮賦起名其首句云維羅刹之巨江兮實發源於太末試官嘉之遂中選蓋其時滿場無知羅刹爲浙江者後作

西湖竹枝詞十首有云阿姊近住段家橋瞿元範戲之云此段家橋創見却與羅刹江不同也瞿宗吉嘗盡和之大爲思復獎許張氏據吳遂不仕退居吳江筒川與楊廉夫倡和有句云笠澤水寒魚尾赤洞庭霜落樹頭紅又云漢史丁公那及齒陶詩甲子不書元蓋感時事也

葉居仲廣居仁和人天資超邁才力絕人仕至浙江儒學提舉築室西冷橋陶情詩酒所著有自得齋集自題隱居詩瘦木裁冠鶴髦輕十年塵土厭飄

零小山舊隱雲封戶大藥新成月滿庭丹井夜交
龍虎氣碧霄春躡鳳凰翎西風客舍炎敲淨擬讀
琴心內景經

仇仁近遠號山村故所著集卽曰山村嘗有秋日西
湖園亭詩云西湖一曲百泉通漠漠青山遶梵宮
故園園林秋色淨明朝風雨桂花空銀笙玉笛清
歌外畫舫朱簾落照中人物風光兩相稱兒童遮
莫笑山翁陸靜復爲園詩連轡行春自作期尋芳
却笑我來遲三盃雲液花前酌一曲瓊簫竹下吹

滄海桑田非舊日石泉槐火有新詩山中道士閒
於鶴門外紅塵總不知閒居絕句詩階前紫蔓金
絲草籬角紅垂錦帶花梓澤平泉易消歇春畱富
貴與詩家茶甌紗帽慣迎賓不是詩人卽道人細
雨斜陽君莫出綠陰門外有紅塵

高孟升得賜錢唐人洪武間以文學薦授臨安學教
諭陞高州學教諭永樂初名爲宗人府經歷纂修
大典爲副總裁記聞博洽詩文純雅名重一時所
著有節庵集嘗作錢唐十景詩曰西湖夜月浙江

秋濤孤山霽雪兩峯白雲東海朝暎北關夜市九
里雲松六橋烟柳靈石樵歌冷泉猿嘯

高孟升晚春曲香雨飄紅換新綠雛鸞怨咽參差玉
畫闌墜露泣殘妝遠翠愁山蛾黛蹙勞勞乳燕說
烏衣海天凝雲烟草迷東流苦長西日短惆悵花
前鶉鷓卮繡幕深沉雨聲小夢入神山良夜悄鏡
裏韶華又一年曲渚鷄鳴錦屏曉瞿宗吉春曉曲
子規啼罷東方白香露寒凝海棠鬼帳捲流蘓夢
乍醒妝臺試點宮梅額鶯儔燕侶乘風來隔林巧

語傷幽懷金錢買花不論價俏枝斜插雙頭釵瞳
瞳紅日射窗牖暝霧如烟薰翠柳鞦韆嬾蹴綵繩
閒滿頰胭脂中卯酒二篇詞調俊逸風致可想也

凌彥翀雲翰仁和人博通經史領至正十九年鄉薦
除平江路學正不赴作梅詞霜天曉角一百首柳
詞柳稍青一百首號梅柳爭春韻調俱美洪武初
舉杭州府學訓導陞成都府學教授卒所著有柘
軒集其南山飛流亭詩山濶冷冷來不竭激成飛
瀑散空明虹霓下飲秋無際河漢西流夜有聲橫

劍誰思仙子過作亭人美老僧清平生慣誦天台賦不記香爐記赤城

洪武庚申冬彥狝爲人題鍾馗圖云朔風吹沙目欲眯官柳搖金梅綻葉終南進士倨然起束帶藍袍靴露趾手製硬黃書一紙若曰上帝錫爾祉蝟磔於思含老齒願指守門茶與壘肯放妖狐搖九尾一聲爆竹人盡靡明日春光萬餘里題罷掀髯自得不數日辟書臨門迫脅上路到京竟有成都之行遂成詩識在任以乏貢舉謫南荒卒歸骨西湖

瞿宗吉作詩送之云一去西川隔夜臺忍看白壁瘞蒼苔酒朋詩友凋零盡只有存齋冒雨來

楊復初築室南山以村居爲號凌彥狝以漁家傲詞壽之云采芝步入南山道山深宛似蓬萊島聞說村居詩思好還被惱蒼苔滿地無人埽載酒亭前松合抱客來便許同傾倒王兔已將靈藥搗秋意早月華長似人難老復初和云當時承望求仙道那知薄命如郊鳥畱得殘生猶自好多懊惱塵緣俗慮何時埽子已成童無用抱醉眠任使和衣倒

今歲砧聲秋未搗涼風早看來只恐中年老瞿宗
吉和云喜來不涉邯鄲道愁來不竄沙門鳥惟有
村居閒最好無事惱苔階竹徑頻頻埽有酒可斟
琴可抱長年擬看三松倒白內靈砂親自搗歸隱
早朝廷未放玄真老

洪武中錢唐丘彥能者文雅好古所藏圖畫非遇賞
鑒者不出示也嘗有蘆花被圖一幅蓋模寫酸齋
梁山灤故事上惟貢泰甫吳子立數詩而已後遇
吳敬夫出而求題敬夫爲賦數首皆不愜意最後

二一首云秋風吹就蘆花被一落人間知幾年澤國
江山今日畫詩人毛骨久成仙高情已落滄洲外
舊夢猶迷白鳥邊展卷不知時世換水光山色故
依然彥能喜始請登卷彥能又嘗以唐三學士奕
棋圖求瞿宗吉題宗吉爲賦一絕云三人對局各
藏機思入幽玄下子遲畢竟是誰高一着風簷日
影靜中移彥能歎賞曰不辱吾卷矣

仁和沈明德宣文辭贍富早遊縣庠與張海觀天錫
齊名張鄉舉終教諭沈卒不偶嘗有詩詠蟹云郭

索橫行逸氣豪秋來興味滿江臯玉缸十斛醪醪
酒不待先生賦老饕豪俊可愛劉邦彥者明德婿
也嘗爲題畫有云雪消岳色露真容澗道奔泉走
玉龍千仞高寒凝不動行人知是丈人峯

沈履德者明德弟也亦文雅好事張靖之嘗題其孤
山春信卷云放鶴亭前瑪瑙坡向來清景半消磨
水渾殘影春何淺月淡餘香夜不多商鼎有羹慙
白首羅浮無夢怯青娥唯應鐵石孤標在千古林

塘隔薜蘿

徐珙者伯齡之父也宣德丁未與弟璟同舉進士時
號聯璧珙遂以爲字歷官太僕丞晚守湖南寶慶
值部使者有隙誣罪除名安置塞外天順初陳訢
得白起用卒於京文稿悉散其論交詩云交遊誰
似古人情春夢秋雲未可憑溝壑不援徒汎愛寒
暄有問但虛名陳雷義重踰膠漆管鮑貧交託死
生此道今人棄如土歲寒惟有竹松盟題畫眉鳥
云野性從來不受羈隨聲百轉任高低也曾鎖向
雕籠聽不及林間恣意啼惜不見其全集也

莫景行維賢錢唐人雅尚標致築別業於靈竺之間
繞栽杏樹號曰杏園日與騷人墨客遊咏其中黃
潛詩云旋移小隱傍南峰遠有咸平處士風山態
近人猶偃蹇湖光無雨亦溟濛行春杖履時時到
臨水軒窗面面通別作新亭供戲劇青帘搖曳杏
花中張輿詩云文園近日復何如杏樹莊頭好隱
居塵隔不知城市熱門閒只見稻麻疎碧窗清晝
閒評藥綠樹涼風獨枕書喜得江村殘暑退拏舟
擬欲到行廬洪武初曾爲杭庠訓導所著有廣目

子稿其祖凝少真人者前元時高士也卒塋棲霞
嶺虞邵菴爲之碑記張行中爲之賦詩云相國流
芳到棣華隱居湖上對棲霞清連後澗神仙境幽
勝孤山處士家華表秋宵空落月杏莊寒食幾飛
花如今獨有雙碑在人物俱非重可嗟
潘時雍錢唐人簡淡力學詩句脫塵號灌園生徐一
夔爲之序曰錢唐潘時雍讀書賦詩廉介自將視
當世富貴雖非不願欲者使其脂韋取容以僥倖
一時寧貧賤而肆志郡城之東二百步而近有地

十餘畝古井一區宋輦院基也入於居民久矣荒
棄弗治暇日過見之徘徊相度曰是豈不足爲吾
生乎旣而購得之除治一畝爲廬用其餘地析而
爲畦縱橫數十塍茹菜若干品天稍不雨輒置桔
槔井上俯前仰後聲軋軋如龍鳴出井水以灌已
則攝弊衣履循行畦間顧見菜色青青若綠雲覆
地喜曰生意若此足矣掇其脆美爲其父母妻子
供具而斥其餘賣諸市中自以爲常不輟或曰錢
唐陸海之府魚鹽蜃蛤之所產羽草竹箭之所生

象犀珠玉之所聚街居之民用貧求富千金爲母
則子百金百金爲母則子千金萬金若此者家相
望也又其地爲金行省丞相治所往時承平丞相
守法而已今天下多故丞相承制得自爵祿人卜
醫衆枝苟有以自見不必去妻子違父母跋涉遠
道輒致位顯要紆金曳紫翱翔康莊之衢中世以
降道德之意泯矣惟聲與利可以驚動世俗子年
甚富又居聲利之場不惟彼以取寵榮顧乃爲此
何哉時雍曰嘻夫尺有所短寸有所長彼所能者

我則不能吾亦豈能枉吾之性以我所不能爲彼
之能故寧自附於農家者流使人稱之曰灌園生
灌園生不辭也嗟夫習俗之移人也久矣自今以
往錢唐之人不尙貨殖而尙德義不尙奔競而尙
恬退不自時雍始乎余固序其出處以爲趨附聲
利者勸焉時雍嘗爲一夔賦獨樹軒詩瀟洒幽軒
面水開軒前老樹倚雲栽閒來倚杖過三匝醉後
支頤看百回風雨欲隨龍化去雲霄常聽鶴飛來
結鄰擬共榮枯事遮莫人知是散材當千金

張行中興仁和槎溪人洪武初上書論時務稱旨授

刑部主事詞翰清麗弟行素輅咸有文名兄弟友

一愛所著有聯輝集行世行中約可閒老人訪玉藥

一圃詩明朝寒食風日晴可閒欲同湖上行先拾玉

壺園上翠却聽瑤石山前鶯茶鐺煩爲試新火杏

酪不須和冷餈君若肯將花逕掃日高相與到柴

扁次韻元宵詩月到中宵午漏深青衫羅薄露華

侵鰲浮仙島春無際人下歌樓醉不禁大地金蓮

分夜色上方玉燭慰民心歸來更有傳柑宴坐列

宮釵十二金行素次韻王志道元夕感興詩沈水
香生寶篆烟九衢車馬正喧闐金蓮徧燭三千界
銀甲誰彈五十絃天上樓臺春靡靡人間風月夜
娟娟少年行樂情懷異絳蠟籠紗六轡聯

遂西臯者元左丞魯曾孫也占籍錢唐工文翰有雅
趣仕行省都事內附後棄官居西湖八十五歲卒

張行中嘗贈之詩云無官貧亦樂有暇趣偏寬身

世雙蓬鬢功名一釣竿透窗蟾影淡落枕雁聲寒
猶恐梅開早扶筇雪裏看又云冠製黃楊窄巾裁

皂葛寬仙衣新鶴髦吟杖小龍竿日短棋消暇風

高酒禦寒興來書數紙穉子亦能看又云八千古

難能風流事慣曾醉防醒眼怒老畏少年憎鶴髮

垂寬領鰕身倚瘦藤笑談殊未倦把酒勸山僧子

宏洪武初選補杭州府學生從徐大章年十八陳

時政得失高皇帝悅之試秋柳賦稱旨吏部奏宏

年少賜歸卒業尋以鄉貢歷教淞江武進宏子端

舉進士官刑部員外郎永樂中扈從北征死於戰

瞿宗吉佑錢唐人學博才瞻風致俊朗少不爲其父

所知鄉人張彥復自福建檢校回家瞿翁殺鷄具酒待之宗吉年十四適自學舍歸彥復指雞爲題命賦之宗吉應聲云宋宗窗下對談高五德聲名五彩毛自是范張情義重割烹何必用牛刀彥復大加稱賞手寫桂花一枝并題其上以贈云瞿君有子早能詩風采英英蘭玉姿天上麒麟元有種定應高折廣寒枝瞿翁遂構傳桂堂而凌彥冲丘彥能吳敬夫咸鄉校與爲忘年交一日楊廉夫訪之出所作香奩八詠以示宗吉宗吉悉和之其花

塵春跡云燕尾點波微有暈鳳頭踏月悄無聲黛眉顰色云恨從張敞毫邊起春向梁鴻案上生金錢卜歡云織錦軒窗開笑語採蘋洲渚聽愁吁香頰啼痕云班班湘竹非因雨點點楊花不是春廉夫漢服曰此瞿家千里駒也洪武中以薦舉授臨安學訓導累陞周府長史所著有存齋集

永樂間宗吉以詩禍下錦衣獄肝江胡子昂亦以詩禍踵至子昂以東坡係御史臺獄二詩索瞿和瞿詩云一落危途又幾春百憂交集未亡身不才棄

斥逢明主多難扶持望故人
有字五千能講道無錢十萬可通神
忘懷且共團欒坐滿炷爐香說善因
酸風苦霧雨淒淒愁掩圓扉坐榻低
投老漸思依木佛受恩未許赦金雞
艱難饋食憐無母辛苦迴文賴有妻
何日湖船載春酒一篙撐過斷橋西
已而宗吉謫戍保安者十年時與河失守邊境蕭條永樂已亥降佛曲於塞下選子弟唱之時值元宵宗吉凄然作望江南五首云
元宵景野燒照山明風陣摩天將夜半斗杓插地過初更燈火憶杭

城元宵景巷陌少人行舍北孤兒偎冷坑牆東婆婦哭寒檠士女憶杭城
元宵景刁斗擊殘更數點夕烽明遠戍幾聲寒角響空營歌舞憶杭城
元宵景默坐自傷情破竈三盃黃米酒寒窗一盞濁油燈
宴賞憶杭城元宵景淡月伴疎星戍卒抱關敲木柝歌童穿市唱金經
簫鼓憶杭城

宗吉平日著作散亡者蓋不少也暇日得其逸稿律詩近體共若干首錄以自適題則天故內詩堪恨當年武媚娘手持唐璽坐明堂不思仙李方三葉

却愛蓮花似六郎廢苑荆榛來雉兔故宮禾黍沒
牛羊尚餘數仞頽垣在遙對龍門山色蒼秋日書
懷詩五窮何日是歸年幾費奴星結柳船善價誰
求司馬賦痴心欲借尉遲錢六通未具難成佛九
轉無疑謾學仙一事尚爲今日幸免供徭役爲無
田暮春晝事詩過牆新竹翠交加綠樹陰陰噪乳
鴉花到醪醖香結局鳥鳴鸚鵡客思家煮茶湯沸
風聲轉夢草詩成日影斜零落殘紅青子滿漸看
金彈熟枇杷睡起呼童掃落花石泉槐火試新茶

樹林深處蜂王國簾幙陰中燕子家柳絮乘風投
硯水竹枝搖影落窗紗幽居莫道無官况鼓吹猶
存兩部蛙旅舍書事詩過却春光獨掩門澆愁謾
有酒盈樽孤燈聽雨心多感一劍橫空氣尙存射
虎何年隨李廣聞雞中夜舞劉琨平生家國縈懷
抱濕盡青衫總淚痕茆屋三間白板扉樓遲四壁
嘆多違楊雄投閣功名薄王粲登樓事業非白晝
夢回梁燕語青天目送塞鴻歸東門黃犬華亭鶴
舉世無人悟此機清明卽事詩風落梨花雪滿庭

今年又是一清明游絲倒地終無意芳草連天若有情滿院曉烟聞燕語半窗晴日睒蠶生鞦韆一架名園裏人隔垂楊聽笑聲夜涼詩瀟瀟木葉打窗扉又送新涼入敝帷煨不及時秋後雨淡而有味客中詩還家自愧蘓秦婦交友誰知蔡克兒不寐起來搔首坐繞庭促織替人悲有感詩世事年來似奕棋可堪歲月去如馳肉生髀骨英雄老金盡牀頭富貴遲蹈海莫追天下士折腰難事里中兒可憐滿眼新亭淚對泣無人只自悲夏晚納涼

一詩竹床藤簟晚涼天臥看星河小院偏雲影却如衣暫薄月華那得扇長圓清泉冷浸冰盤果嘉樹香籠寶鼎烟想是高樓風更爽玉人間按十三絃

清明賦絕句詩羨句踳蹬在京華又見東風御柳斜客裏不甘佳節過借人亭館看梨花池河道中詩牽牛花碧豆花黃血色蜻蜓點水忙人在漁村斜照裏數聲短笛隔垂楊齋居觀物詩蕉葉陰陰艾葉香菖蒲苗短菊苗長夜來知有蝸牛過一道銀光在粉牆出巢新燕傍簾帷乳鴨浮沉水滿陂

葉底青蟲時節至化為蝴蝶上花枝

宗吉漫興詩云自古文章厄命窮聰明未必勝愚蒙
筆端花與胸中錦賺得相如四壁空蓋有激而云
然也又書生歎云書生嗜書被書惱居不求安食
忘飽微吟朗誦無了期妻怨兒啼鄰里誚東家郎
君狐白裘終朝醉眠寶釵樓西家壯士金鎖甲萬
里勇斬樓蘭頭堆金積玉誇豪貴眼底何曾識丁
字休言富貴有危機信知文字真愁具從今投筆
復棄書擬學東臯農把鉏妻復苦諫兒搖手近來

差科重田畝其感時傷事抑又甚焉

王希範洪仁和人永樂間年十八舉進士授行人入
翰林檢討與修永樂大典爲副總裁陞侍講主考
禮闈時胡文穆公總裁國史希範因言其書徵處
士胡祺於五星聚奎之下若以其祥爲祺發者公
爲祺子疑有私焉且國家文明正不藉此爲重文
穆公從之而心憾其言尋改禮部主事部之長闕
詔洪署部印練習稱旨詔作佛曲序洪遂巡不敢
應制遂爲同列所排不復進用晚得末疾卒著作

多散落不存存者毅齋存稿其遊西湖詩紅蓮白
蓮開滿湖小娃唱歌閒且都故人相會能幾度
酒何妨傾百壺雙拳藏閩握松子萬錢賭勝賽
蒲暮歸酌酌白馬上誰識山翁非酒徒夏日閒居
詩綠竹蒼松引夏涼方塘曲沼藕花香兩峰獨對
空山靜一鳥不鳴清晝長春得細糧如玉子釀來
新酒勝瓊漿人生快意能如此何用荒唐入醉鄉
陳士寧仁和人涉獵書史喜賓客蓄古法書名畫
器初居鹽橋七寶巷中後徙獨山全斯立贈之詩

云青字營西小巷幽衙門寂寂思悠悠一生清事
無閒口夾徑黃花滿院秋賣帖偶逢官巷口評詩
共宿獨山頭誰知擾擾紅塵裏荷蕢行歌得自由
張輅詩云橫溪別業錦雲鄉紅白蓮花薜荔牆百
事不關心獨靜孤雲無著典偏長佳人雪藕供微
醉童子分茶坐晚涼如此好懷誰解寫詩成還讓
孟襄陽

桂孟平衡仁和人洪武中為錢唐學修業齋訓導遷
山東轉谷府奉祀卒於長沙著有紫薇稿其送王

惟中代屠先生詩秋來忽得桂衡書又報王郎去
聽除若有鄉情須記我便生官况也從渠山中歲
月三邊雁客裏饕餐兩饌魚此去上林方校獵要
因奏賦識相如蘇李泣別圖詩我生自恨不如死
君死誰知更得生十九年前今日泪都無一點爲
功名九日陪陳廣文貢有道遊伏龍岡新庵詩久
客思歸未賜還登高且上鳳凰山空將野眼看重
九不見見黃花露一班老境更從天下徤僧房常記
客偷閒廣文不是無官舍那得清幽似此間春暮

詩忍將愁眼看韶華桃李無言日月斜晚白菜肥
蠶出火冬青花落燕成家歸田誰復如賓饑入室
今惟對影嗟無可奈何聊且睡不勞春夢繞天涯
王志道達錢唐人足一跛家貧賣藥文錦坊兼以卜
市博究子史百家客至輒談古今滾滾不竭人或
以難隱詰之朗如也所著有蘭野集其徒最高者
爲劉士亨其卒也士亨哭之詩云十年負笈遊門
下愛我翻於骨肉輕才劣豈宜居弟子恩深何以
報先生春風夢斷行柯螳暮雨啼殘隔葉鶯賴有

詩家衣鉢在後來誰起繼芳聲

劉士亨泰錢唐人號菊莊當景泰天順間隱居不仕
詩詞爲一時絕倡所著有菊莊晚香諸集聶大年
嘗有詩寄之云一樹櫻桃鳥啄殘麥秋天氣尙輕
寒蠶登曲簿桑初盡燕補新巢土未乾囊裏古今
閒自檢鏡中華髮老羞看花時不共劉郎醉辜負

東家芍藥欄

徐伯齡嘗言劉士亨詩諸體皆備其詠東坡赤壁圖
云黃州遷客氣如虹夜放扁舟吊兩雄東下火攻

吳卒銳北來水戰魏師空白沙折戟荒涼外綠酒
芳尊感慨中爛醉不知天地老江流終古浩無窮
有少陵氣象晚春漫興云單羅初試却春風金鴨
香銷翠被空江燕低翻三寸黑海棠微褪一分紅
酒因睡淺醒難解詩爲愁多句未工晴日漸長兒
女懶鞦韆閒在曲欄東自言當與楊眉庵孟載頡
頰題芍藥云綠陰庭院已非春紅芍翻階露朶新
綽約嬌姿誰得似天風吹下衛夫人可與李義山
商隱並駕其詠黃菊云芳叢燁燁殿秋光嬌倚西

風學道妝一自義熙人採後冷烟疎雨幾重陽有
慨古傷今之意其秋葵云露華
輝照秋林誰把
紅芳暗博金白露不凋霜不剪也知中有向陽心
有林下憂國之意墨菊云自是中黃第一家雁來
時節傲霜華如何秋色無人管移向龍香道士家
蓋自况也

陸元備昂錢唐人號清溪博雅嗜吟詠少遊菊莊之
門同列率罕及之嘗作宮詞云自捲珠簾放燕歸
六宮春盡亂紅飛從來艷色多傾國願得君王寵

幸稀梅花絕句云春到南枝與北枝花開的皪照
寒漪何人似解相憐意不把東風玉笛吹凡作宮
詞皆寫幽怨之私而清溪乃終致規諷詠梅花率
用吹落事而清溪宛轉護惜無忌刻之情可爲得
詩人溫厚之旨矣所著有吟窗涉趣窺豹錄若干
卷

馬浩瀾洪仁和人號鶴窗善詩詠而詞調尤工皓首
韋布而含吐珠玉曩然若貴介王孫也嘗題許應
和松竹雙清扇景詞云剪蒿采曾將雙翠親栽旋

添成園林佳勝依稀嶰谷徂徠鳳飛過文章燦爛
蛟騰攫鱗甲毡毳剉節題詩收花釀酒鬢粘香粉
袖粘苔無人識棟梁之具管籥之才蔭亭臺儘多
風月清無半點塵埃竿期截六鰲連舉巢堪托孤
鶴時來色瑩琅玕脂凝琥珀笑他門柳與庭槐蕭
郎去畢宏已老誰富寫生才君看取歲寒三友只
欠梅開徐伯齡言鶴窗與陸清溪偕出菊莊之門
而清溪得詩律鶴窗得詞調異體齊名可謂盛矣
馬浩瀾嘗著花影集其自序蓋云花影者月下燈前

無中生有以爲假則真謂爲實猶涉虛也今漫摘
數首以便展玩其商調少年遊云弄粉調脂梳雲
掠月次第曉粧成鸚鵡籠邊鞦韆牆裏半晌不聞
聲元來却是瑤階下獨自踏花行笑小朱櫻微揜
翠袖枝上打流鶯行香子云紅遍櫻桃綠暗芭蕉
瑣窗深春思無聊雙飛燕懶百轉鶯嬌正漏聲遲
簾影靜篆香飄惜月前宵病酒今朝有誰知臂玉
微銷封題錦字寄與蘭翹恨樹重重雲渺渺水迢
迢春夜生查子云燒罷夜香時獨立簾兒下真箇

可憐宵一刻千金價啼痕不記行暗滿鮫綃帕蝶
宿牡丹叢月轉鞦韆架春日海棠春云越羅衣薄
輕寒透正畫閣風簾飄繡無語小鶯慵有恨垂楊
瘦桃花人面應依舊憶那日擎漿時候添得暮愁
牽只爲秋波涵鳳凰臺上憶吹簫云淡淡秋容澄
澄夜景娟娟月挂梧桐愛簫聲縹緲簾影玲瓏彩
鳳銜書未至玉宇淨香霧空濛涼如水翠苔凝露
琪樹吟風匆匆年華暗換嗟舊歡成夢芳鬢飛蓬
想清江泛鷁紫陌遊驄應念佳期虛負瞻素彩感

慨相同凝情久誰家搗衣砧杵丁東青玉案云平
川渺渺花無數明鏡裏孤舟渡花下笑人和笑顧
問郎莫似乞漿雀護別久來何暮盈盈羅襪凌波
步眉月連娟髮如霧人世光陰花上露勸郎休去
再來須誤箇是桃源路中秋鵲橋仙云不寒不暑
無風無雨秋色平分佳節桂花香散夜涼生小樓
上簾兒高揭多愁多病閒憂閒悶玉鬢紛紛成雪
平生不作負恩人惟負了今宵明月九日金菊對
芙蓉云過雁行低鳴螿韻急紛紛葉下亭臯回霜

庭看菊飈館題糕依然賓主東南美勝龍山迢遞
登高繡屏孔雀金橙螭蟬銀甕葡萄痛飲鯨卷波
濤笑百年春夢萬事秋毫問臺前戲馬海上連鰲
當時二子今安在乾坤大容我麓豪四絃裂帛雙
鬢舞雪左手持螯落花滿庭芳云春老園林雨餘
庭院偏惹蝶駭鶯猜蕙紅皺白狼藉滿蒼苔正是
愁腸欲斷朱箔外點點飄來分明似身輕飛燕扶
下避風臺當初珍重意金錢競買玉砌新栽更翠
屏遮護羯鼓催開誰道天機繡錦都化作紫陌塵

埃紗窗裏有人憐息無語托香腮

馬浩蘭有續遊仙詩百首其序曰唐進士曹堯賓作
遊仙詩飄飄有遺世獨立之志每風清月白之夜
輒歌數篇既而就枕必夢仙界覺而紀之以詩數
凡百篇今摘其佳者云玉板金花潤幅箋朝來次
第散羣仙紫皇勅遣謄真誥第一人書第一篇玉
案珠簾翡翠屏焚香夜誦蕊珠經月明鸞背飛瓊
過小駐花陰帶笑聽五銖衣薄不知寒玉洞青春
已半闌肌骨非因惆悵瘦惜花那忍摘花餐雲髻

昨夜到瀛洲洲在蓬萊欲盡頭其信麻姑清淺說
茫茫弱水接天流侍兒扶上紫鸞車一笑相逢萼
綠華今夜蕪城好明月無雙亭上看瓊花

莫仲嶼璠錢唐人號橋隱晚號樸壽隱居西湖與菊
莊爲詩酒友嘗見其讀史三首備載舊志而西湖
十景詞則又闕其一暇時當訂正之

沈彥博約錢唐人以邑庠生初爲靖安司訓陞福清
掌教平生以詩名聞湖海間嘗有詩寄劉菊莊並

見舊志

劉邦彥英錢唐人號賓山善詩翰當成化間隱居不
仕遨遊湖山名振遠近其春興詩一天微雨送清
明歲歲逢春不快情近水人家多養鴨依山樓閣
早聞鶯子期不用黃金鑄顏馴空嗟白髮生惟有
東風一尊酒朝朝相對藥闌傾谷姚公綬詩三載
無書托便郵東雲北樹繫離愁平生圖史淹清宦
到處湖山結俊遊笑我多方藏蠟屐尋君幾度趨
漁舟從來出口皆奇句未許專誇趙倚樓次韻姚
公綬舟中夜話詩銀燭揪杯對奕棋烏絲繭紙更

題詩月明鄰舫人眠早鼓絕江城漏下遲斷飲頓
忘犀首樂放懷偏笑虎頭痴朝來欲別應難別未
了山中筍蕨期吳興丘天祐寄劉邦彥詩慚愧無
瑤報木桃論文惟覺醉醇醪昔年公幹名先重今
日相如賦最高酒畔吳歌紅線毯袖中章草紫霜
毫風流更在諸公上日日題詩付薛濤

張天錫錫錢唐人號觀海天才拔萃文雄一時然落
鬼不羈縱情詩酒領天順壬午鄉薦授山西山陰
縣教諭解官南還湖山諸奇名勝之燕集迨無虛

日鯨吞海吸青樓紅粉爭相承迎人以鐵崖方之
所居爲回祿所燬作四六短疏以干知識不數月
而新居落成所構有望海亭見山樓育魚軒等數
十間前輩之風流仗義可想也

張靖之寧海寧人號方洲景泰天順間爲給事中有
名奉使朝鮮國朝鮮之人雅重之集所著作爲刻
皇華錄成化初忤權要出爲汀州知府無何引疾
歸田雅好山水歲率一舟至杭州至輒携親朋出
遊西湖綵舟蠟屐隨意所之興至呼筆大篇短章

頃刻立就又舍丹青所著有方洲集

徐延之伯齡錢唐人號籀冠道人博學強記洞曉音

律工樂府嘗雜集瓷甌數十枚考其音之中度者

奏曲一章茶頃而協所著有蟬精集二十卷嘗薄

遊蘭陵會邵文敬陸廉伯周克容龔忠夫吹笙鼓

琴爲樂一座盡傾遂聯句贈之云擁爐清夜炙銀

簧邵仙律和鳴學鳳凰周應節低昂吾欲舞陸倚

歌談笑容成狂龔重華一去空思往陸周雅無傳

孰補亡邵老大忽逢王子晉周緱山回首月蒼蒼

龔又各有詩贈之皆一時名筆也

夏時正正成化中以太常寺少卿致仕布政使寧良

等作西湖書院聘時正主之四方文學雲聚時正

嘗作詩篷湖中隨風往來作四時詞云放棹蘭汀

杜若洲有詩不用錦囊收儘教拋擲東風裏逝水

飛花處處流詩成倚棹復嘖呻棹觸風荷躍錦鱗

老去都忘擷芳意放歌何處採蓮人解纜朝辭學

士溝湖中畫舫不勝秋白萍風起回汀晚泊在蘆

花淺水頭霜清石出水消波景淡烟融入棹歌不

